




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.683



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.683




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.683



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.683

1. 6. 583




1
6
683

VITA SFORTIAE CLARISS. DV,
CIS A' PAVLO IOVIO CON-
SCRIPTA, AD GVIDONEM
ASCANIVM SFORT. A'
SANCTA FLORA CAR
DIN. AERARIIQVE
PRAEFECTVM.



R^{mo} Rhacernati



ROMAE M. D. XXXIX.

967

VITA SFORTIAE CLARISS. DV
CIS A' PAVLO IOVIO CON-
SCRIPTA, AD GVIDONEM
ASCANIVM SFORT. A'
SANCTA FLORA CAR
DIN. AERARIIQVE
PRAEFECTVM.

q Vum honorem Senatoriae dignitatis,
quem tibi plane adolescenti maternus
avus PAVLVVS Tertius Pont.
Max. insigni iudicio, sed maturius for-
tasse, quam speraras, mandavit: cum
uirtutis indole, tum claritate familiae, adeo egregie susten-
tes, ut maiore fortuna dignus esse uideare: Pergratum o-
mnino futurum existimaui: si tibi ardenti animo uirtutem
complectenti, nouae faces adderentur, ductae scilicet à ma-
iorum tuorum exemplis, SFORTIAEQ; praesertim
abavi tui: qui summa cum laude amplissimis rebus gestis
familiae uestrae immortale cognomen dedit. Eius enim ui-
ri bello memorabilis dicta, facta que solerti indagazione
ex uarijs, ineptisq; saepe rerum scriptoribus excerpta in
Enchiridion descripsi, ut ad imaginem tanto frontis hono-
re conspicuam, quam domi pictam assidue contemplaris,
excelsi quoque animi similitudo ad ueram effigiem stilo
expressa, non indecenter accederet. Itaq; emittere GVI-

DO Ascani, uirtutē que plurimum, & literarum stu-
dio contende, ut paterni, materniq; generis famam &
æques, & superes. Nec id tibi omnino difficile uidca-
tur. Pulchrum enim erit, & ualde decorum, saturato ui-
ro inter tanta maiorum lumina pietatis, & literarum ful-
gore procul ab inuidia refulsisse. Vale.

INDEX

DE natiuitate eius.	Cap. I.
DE fama natalium.	II.
DE Horoscopo, & genitura, & nomine eius.	III.
DE diuinatione Astrologorum.	IIII.
DE educatione, & rudimento eius.	V.
DE prima militia eius.	VI.
DE altitudine animi, & cupiditate gloria.	VII.
DE Ioanne Aucuto Britanno Duce.	VIII.
DE Erolia, Biordo, & Alberico magnis ducibus.	IX.
DE Alberico cataphraſtorum equitum inuentore.	X.
DE cognomento ex re quaſito.	XI.
DE primis commilitonibus eius.	XII.
DE Praefectis ab ſe dilectis à promptitudine uirium.	XIII.
DE amicitia cum Braccio inita.	XIIII.
DE cauſis amicitia cum Braccio abrupta.	XV.
DE cauſis inimicitiarum cum Tartalia.	XVI.
DE prima Equitum Praefectura.	XVII.
DE inſignibus gentilitiis à Roberto Caſare dono acceptis.	XVIII.
DE honoratiore militia eius.	XIX.
DE caſu Othonis Tertii.	XX.
DE diuerſitate fama ex Othonis caſu.	XXI.
QUibus Principibus operam nauarit.	XXII.
DE Ludouico Secundo, & amore Regina Ioanna.	XXIII.
QUoties proſpere, inſeliciterque pugnarit.	XXIIII.
DE Angelo Perzulano proſligato.	XXV.
DE Ladislao Rege ad Lirim ſuperato.	XXVI.
DE praelio ad Aquilam feliciter commiſſo.	XXVII.
DE Tartalia ad Thuſcanellam deuicta.	XXVIII.
DE pugna ad Sebethi pontem egregie depugnata.	XXIX.
DE Roma libertati reſtituta, & Picinino acie capto.	XXX.
DE Alphonſo Rege acie proſligato.	XXXI.
DE inſelicitate praellii ad Viterbium.	XXXII.
DE clade ad Cryptam accepta.	XXXIII.
DE inſelici pugna ad Capuam.	XXXIIII.
QUoties praelio, & inſidiis ſit captus.	XXXV.
DE praelio ad Caſalecium facta.	XXXVI.
QUomodo ex inſidiis ſit captus.	XXXVII.
QUomodo ad Beneuentum ſit captus.	XXXVIII.
QUomodo Iacobus ex Principe Rex ſit appellatus, & Sfor- tia ſeruatus.	XXXIX.

Quibus conditionibus Sfortia necem effugerit.	XL.
De supplicio Caesaris, & Sfortia felicitate.	XLI.
De Regina capto Rege liberata.	XLII.
De iniuriis eius Deorum iudicio uindictis.	XLIII.
De caede Alopi.	XLIII.
De nece Iulii Caesaris, Peretti, & Cecholini.	XLV.
De calamitate Iacobi Regis.	XLVI.
De Sergiano magno Senescalcho trucidato.	XLVII.
De Nicolai Vrsini foeda morte.	XLVIII.
De Paulo Vrsino Braccii insidiis interfecto.	XLIX.
De Armalerii proditoris supplicio.	L.
De infelicitate Braccianarum partium, & Sfortianarum prospero successu.	LI.
De uulnere ad Viterbium accepto.	LII.
De periculo eius in expugnatione Capitonis.	LIII.
De uita discrimine, in quo Roma uersatus est.	LIII.
De insidiis ad Calorem annem strenue uitatis.	LV.
De insidiis ad Sarnum astu superatis.	LVI.
De periculo ad Caietam paruo casu facile superato.	LVII.
De moderata liberalitate eius, & abstinentia, contemptuq; pecunia.	LVIII.
De duabus eius concubinis.	LIX.
De uxore eius Antonia Salimbenia.	LX.
De secunda uxore Catella Alopi.	LXI.
De tertia uxore Maria Martiana.	LXII.
De liberis eius ex Lucia Trezania.	LXIII.
De affinitatibus summa prudentia contractis.	LXIII.
De clementia, & seueritate erga suos.	LXV.
De Martino Pasolino conseruato.	LXVI.
De clementia erga Bisum.	LXVII.
De inusitato poenarum genere.	LXVIII.
De Gratiini supplicio.	LXIX.
De mansuetudine erga Brandolinum Comitem.	LXX.
De inuidia ex nece Tartalia parta.	LXXI.
De natura ingenii.	LXXII.
De disciplina domestica, & militari.	LXXIII.
De cultu eius, & conuictu.	LXXIII.
De pietate eius erga superos.	LXXV.
De pietate erga patriam.	LXXVI.
De pietate erga propinquos.	LXXVII.
De preceptis Francisco filio datis.	LXXVIII.

De prudentia ex alienis iudiciis quaesita.	LXXIX.
De candore ingenii, & memoria eius.	LXXX.
De studio literarum Hetruscarum.	LXXXI.
De generositate animi erga inimicos.	LXXXII.
De fortitudine eius in dolore tolerando.	LXXXIII.
De urbanitate eius.	LXXXIII.
De facete dicto.	LXXXV.
De falsissimo dictorio.	LXXXVI.
De statura corporis eius.	LXXXVII.
De agilitate membrorum eius.	LXXXVIII.
De infelicitate mortis eius.	LXXXIX.
De Braccii iudicio, & laude erga defunctum, & ca de ipso.	XC.
De prodigiis, qua mortem eius significarunt.	XCI.

FINIS.



DE NATIVITATE EIVS. Cap. I.

ATVS est SFORTIA Cotigno
lae, antiquo Togatae Galliae oppido, iuxta
uiam Flaminiam, agri Faentinii, patre Io-
anne, ex Attendula familia honesta potius,
quam nobili, sed maxime opulenta, et quae nu-
merosa, et militari iuuentute florere: Mater ei fuit Elisa,
uirilis animi mulier, ex Petracina factiosa gente: Ea erat fer-
uidis admodum, asperisque moribus, sed pudicitia, et fecun-
ditate mirabili: Peperit enim alterum et uiginti liberos,
quos ueluti ad arma natos ita educavit, ut facile comptiora
indumenta, exquisitasque epulas, et mollia strata contemne-
rent: uerterentur autem robusto quodam corporis, atque animi
uigore, ad tuendum familiae decus, et id saepius armis, quan-
do grauisimas simultates cum Pasolinis atque potentibus
exercebant: Quum Martinus Pasolinus eius familiae Prin-
ceps puellam nobilem Bartholo SFORTIAE fratri
ex cheirographo desponsatam, quae in eius dotem per ampla ha-
reditas ueniret, arroganter interceptisset. Ob id saepius ius-
ta prope acie dimicatum est, magnaque caedes acta, in quibus
Bartholus uulneratus est, et Martini filius, itemque duo pro-
pinqui eius ceciderunt. Sed res eum habuit euentum, ut Mar-
tinus orbatus filio, expoliatusque omnibus amicis, atque fortu-
nis oppido pelleretur. Per id tempus uidere erat in Atten-
dula domo conclauias, atque cubacula, non aulaeis, sed scutis, atque

choracibus exornata, atq; item lectos, ingenti amplitudine, sine lodicibus, in quibus loricatæ affinium cohortes promiscue cubitarent: adeoq; uigilantes, & intenti omnes erant, ut nullo cum honore mensarum, sed plerunq; stantes, & sine ullo ordine cibum caperent, quem exiguo sumptu, & nulla arte Agasiones, uel armigeri pueri tumultuarie parauissent.

De fama natalium.

Cap. II.

NON DE FVERE, qui dicerent, sed
in gratiam Braccianæ factionis, ut Sfortia
nis demum Principibus nouitas generis obie
ctaretur: Sfortiam paterno in agro ita operis præfuisse, ut
& sua manu faciundo operi uomeres, & ligones strenue
tractaret: q; uel ob id inuidiose confectum uidetur, quoniam
tredecim annorum puer in Bolarini castra concesserit, neq;
inde redierit, nisi equestris ordinis miles. Sed iucundo pror
sus mendacio fabulæ fidem fecit perennis fama, quæ ma
nauit ad posteros. Ferunt enim, quum agrum foderet, du
ro labore fatigatum, ab ea indignitate operis suspexisse in
cælum, & de tota uitæ fortuna uota suscepisse, ea sorte
precatum Deos, ut uoto bene uerterent: reuibrassq; protinus
ligonem in præaltam quercum, ut credi par est, antiquitus
Marti consecratam, eo animi decreto, ut si decideret, eum
æquisime ad perpetuum laborem esset resumpturus, at si ra
mis hæssisset castra continuò sequeretur. Verum Marti li
gonem fortuna appendit, ut fatis uiam aperiret. Gloriabæ

tur hac fabula Franciscus pronepos, quod uel ob id, familiae nomen nequaquam antiquae nobilitatis, sed spectatae uirtutis auspicio niteretur: adeo, ut quum mihi humaniter arcem ab excellenti munitione, structuraque toto terrarum orbe longe clarissimam, armamentarijs patefactis, ostendi iussisset, conuersus laeto ore: et hanc, inquit, P A V L E Ioui, quam miraris, et hoc imperium, quo potimur, ab illo ligone habemus, quum felici nostra sorte in arborem à Proauo contortus, fatali ramusculo suspensus minime decidisset. Vnde et illud Pontani in defunctos intemperanter genuinum dentem exercentis, quum dixit: Dux ab aratro Sfortia. Quasi non in summa gloria sit, aut certe dispudeat C. Marij exemplo, ex aratore Imperatorem euasisse.

De Horoscopo, et Genitura, et nomine eius.

Cap. III.

Ditus est utero matris, die Martis, quinto
 æ Calendas Iunij sub auroram, Anno à partu Virginis Millesimo trecentesimo, et sexagesimo nono; sub id ferè tempus, quo Carolus Quartus Imperator auaritia infamis Italiam reliquit: Lustrico autem die, quo rite sacro fonte ablutis nomen imponitur, puero Iacobi et Mutij nomen indiderunt: Sed aliquanto post, oblitterato primo nomine, tantummodo Mutius est appellatus: donec ab ingenij, uiriumque indomito quodam vigore S F O R T I A E cognomen tulit. Mutij uero nomen, et hodie quoque in nepote Ludouici Sfortiae Principis repetitum uidemus:

A ii

quem Paulus eius filius, sed ex damnato coitu susceptus ē tanta sobole unicum, atque legitimum reliquit.

De diuinatione Astrologorum.

Cap. IIII.

i N genitura eius Mathematici præcellentem syderum posituram, & sedes, aspectusq; mirabiles conspicati, ei magnum imperium, immortalem gloriam, felicemque sobolem prædixerunt: idq; demum subiungere, eum nequaquam exacta ætate, & morte quidem repentina periturum.

De educatione, & rudimento eius.

Cap. V.

a Bea, ut diximus, domestica educatione uulnerum & periculorum contemptor factus, quum tredecim annos natus, miram indolem ad militiam afferret, clam arrepto domi equo, & inuito quidem patre, euolauit ad Bolcrini Panicaliæ castra, qui Pontificiæ militiæ sceptrum tenebat: Eo nemo Ducum felicior fuit: Nam dum uiueret, acie semper uictor, etiam post mortem sæpius uictorijs, triumphisq; militum suorum interfuit. Hi si quidem Ducis sui cadauer exsiccatum, conditumque aromatis in feretro circumferbant: quum neminem, qui succederet, militari imperio dignum putarent. Tendebatur ei Prætorium non secus ac uiuo, & circumpositis uexillis, belliteres ferabatur, ita, ut mortui consilijs quadam sorte exceptis ad res gerendas feliciter uterentur. Adhæsit primum Spo-

letano equiti cui ab iracundia Scornuccio cognomen fuit. Apud hunc quatuor annos permansit, adeo pertinaci corporis, ac animi contentione semper usus, ut ex armigero puero ferocious equorum domitor, & mox lateronis nomine strenuus miles cuncta officij munia Scoruccio charus adimpleret.

De prima militia eius.

Cap. VI.

Osito apud Boldrinum tyrocinio, domum rediit, intestino reuocatus bello. Sed ibi demum pace parta, militiam repetiuit, oppugnerato fundo, ut armis & equis instructior domo emitteretur, propinquis, uno patre excepto, sumptum improbantibus: ad quos iuuenis conuersus: desinite, inquit, mussare: Militari enim quaestu aut cuncta rependam, aut idem mea hereditas, si ita erit in fatis, ut acie occisus cadam, cumulate persoluet. Itaque primo cataphractus eques (Hi eo tempore quaternos equos trahebant) & non multo post turma, & demum ala praefectus sub Alberico, Brolia, & Aucuto secunda fama militauit, adeo, ut ubi rioris semper stipendio, & maiore praefectura dignus haberetur.

De altitudine animi, & cupiditate gloriae.

Cap. VII.

Excitabatur die noctuque ad magnorum Ducum nomen, qui tum bellica uirtute prouenerat: ad ingentes opes, ac imperia peruenerat: adeo, ut in corona, quum aliquid bello praecclare gestum

nuntiaretur, commoto ueluti animo suspiraret: ut potè qui honesta æmulatione inductus, felicitati eorum haud mediocriter inuideret.

De Ioanne Aucuto Britanno Duce.

Cap. VIII.

e Rat ante alios in oculis Ioannes Aucutus uir Britannus, qui ab extremis Oceani finibus, traducta in Italiam Anglorum manu, clarus euaserat: quum rebellantem à Gregorio Pontifice Togatam Galliam, expugnatis aliquot urbibus, pacauisset, tulissetq; in præmium nauatæ operæ quinque oppida, & in his Cotignolam ipsius patriam: adeoque mox inclariuisset, ut Bernaboni Vicecomiti Italiæ Principum longè potentissimo gener adscisceretur, & eum Florentini demum ingentis exercitus Ducem crearent. Vnde illi, uti de Republica benemerito, imaginem colossæam equestrem supra sepulchrum in templo maximo posuerunt.

De Brolia, Biordo, & Alberico, magnis Ducibus.

Cap. IX.

m Ilitari etiam uirtuti apprimè nixus Brolia uir Allobrox Afsiatum in Vmbriis tyrannus euaserat: quum Florentinorum, & Romani Pontificis Dux fuisset, Biordo quoque, qui in Gallia aduersus Britannos, magna mercede, & multo maiori cum laude militarat, apud Perusinos Principatum fuerat consecutus. Sed unus præ cæteris Albericus Balbianus illustri

fulgore gloriæ clarissimus, & ipsum, & Attendulos omnes ad obeundam militiam accendebat. Hic enim unus, quod externæ gentes mercenarijs armis Italiam quaterent, multæq; passim immuni rabie baccharentur, indignitate permotus Italorum animos, qui tum per socordiam, amissamque libertatem uetere belli gloria decidissent, in spem recuperandi nominis crexerat. Fuere sub eius imperio ingentes alæ cataphractorum equitum, qui auspicijs diui Georgij militantes, sacramento adacti, nunquam se terga daturus externo hosti coniurarent. Ab his demum non uno in loco Britones profligati, cæsi Galli, pulsi deuictiq; Germani, Hispani fusi, Allobroges, Angliq; delicti, apud Italos non omnino extinctum antiquæ uirtutis decus iusta confessione docuerunt.

De Alberico Cataphractorum equitum inuentore. Cap. X.

h Ic est ille Albericus, qui equitem cataphractum ea specie, quam uidemus, formauit, & instituit, adinuento hoc conclusæ, duplicisq; galeæ genere, quo nunc maxime utimur, & Gothico nomine, Helmettum uocitamus: Imposuit & tegumenta equis, quæ Bardæ uocantur, recocto è corio, ut Clibanarios equites à Persis ad Gothos, priusquam ad Italos, reiectis loriceis, adductos imitaretur. His enim nihil ualidius, si tormenta ænea ad exitium humani generis, corruptelamque ueræ militiæ reperta consensu publico tollerentur: Quando iam egregiæ uirtutis decus: nequaquam ad fortem, spectatamque du-

ris in prælijs dextram, & inuictum corporis, ac animi ro-
bur, sed ad fortuitos uolantium pilarum ictus, cæca semper
sorte & in his temeraria sæpe fortuna reuocetur.

De cogimento ex re quaesito.

Cap. XI.

¶ Vum in Alberici castris esset ferè imber-
bis, animoque ferox, & manu promptus,
sæpe turbas iurgiaque misceret, nec quen-
quam ante se pugnam capeßere pateretur: in eo peracutus
Imperator animi, atque oris habitum notauit, prædixit que,
eum, nisi immature caderet, & paululum feruidi ingenij
impetum prudentia temperaret, absoluti Ducis nomen habi-
turum. Nec multo post suborta altercatione inter commi-
liones in partienda præda immortale cognomen adeptus
est: quum eam minus æqualiter diuidi immodice quereretur.
Siquidem tota lite ad Ducis arbitrium delata, iudicatæque ad
Albericum subirato & minaci uultu conuersus: Mibi, in-
quit Imperator, hoc tuo iudicio rata pars prædæ periniq;
surripitur, ita, ut in posterum similem iniuriam a quo animo
non sim laturus. Ad ea Albericus renidenti, & contra-
cto ore respondit: An & mihi quoque uti alijs soles, ado-
lescens uim afferre uoles? Desume ergo tibi SFOR-
TIAE nomen; atq; ita abolito Mutij nomine, ut ab omni-
bus uocaretur, edixit: quæ uox Latine exprimit uiolentum.

De primis Commilitonibus eius.

Cap. XII.

Eduxit

Duxit autem patria peregregiæ iuuentutis
 e manum, ad auctam mox concursu insignium
 equitum, quum bellicosissimus quisque spe
 laudis, & lucri cupiditate ad eum deferretur. In his fuere
 ex numero propinquorum Bartholus, & Franciscus ger-
 mani fratres: Sed in Francisco mira indoles efflorebat, cui
 ab insita ingenio eius audacia Boccalato cognomen fuit: Præ-
 terea Bosius, Laurentius, Michaeltus, & demum Foschinus
 Attenduli cum Sancto parente Petracinio auunculi filio, &
 alijs plerisque, qui è finitimis urbibus amicitia, & partium
 necessitudine coniuncti, crescentis in eo nominis famam ue-
 hementer obseruabant. Hos omnes ferè in historijs celebres
 uidemus. Verum illustris admodum euasit Michaeltus, qui
 accumulatis ab humili gradu bellicis honoribus, Victorum
 demum Imperator effectus, ad exactæ ætatis terminos
 peruenit.

De Præfiliis ab se dilectis à promptitudine uirium. Cap. XIII.

Turmarum, cohortiumque Præfiliis eos
 e maxime adamauit, fraternoque amicitia iu-
 re sibi obstrinxit, qui manu præcipue uale-
 rent. Diuisa enim inter Ducem, & militem esse militiæ mu-
 nera dictebat, ut uictoria pararetur: quum in illo ante o-
 mnia rationem, atque prudentiam, in his autem expeditam
 uim, peracrem impetum, & indomitum robur omnino re-
 quireret. Propterea eos maxime deuotare, damnareque erat

solitus, qui in coronis sollicite nimis, atque subtiliter de belli ratione, exituque rerum differendo, quid statuendum, quid uentandum foret, Imperatori consulere, atque præscribere uiderentur. Cæterum ipsi perlibenter aspera quæque, & periculosa munia detrectarent: soloque, & inani sapientiæ nomine contenti fortibus uiris ueræ laudis materiam reelinquerent: qui imperantibus alacriter parere, uehementerque pugnare, nec uulneca, & mortem timere didicissent. Ex hoc ordine primores ardentissime dilexit, Martinum Fauentinum, qui aliquot post annos à Pandulpho Malatesta Ariminensium Tyranno necatus est: quum inhiaret eius pecuniæ, & crescenti in fontis uiri gloriæ uir crudelis inuideret: Præterea Eustorgium Vicecomitem, Ludouicum Columnnam, Thomam à Typherno, & Scorpionem, atque Tarantulam à luco Flaminia, Zenonemque, item Cribellum, & Parinum Dertbonensem, & Gentilem Montaranum, Angelumque Laellum, cui ob hæsitantiam linguæ, tumultumque oris Tartaliæ cognomen fuit.

De amicitia cum Braccio inita.

Cap. XIII.

Um uno autem Braccio Montonesi, ætate, fortuna, uirtuteque fermè æquali, arētissima familiaritate coniunctus, ad eò fratrem, & liberaliter amicitiam excoluit, ut aliquot annis inter se duo longè omnium in Italia maximi futuri Duces, consilia, arma, equos, pecuniam, & tabernacula in communem

usum conferrent, iisdemque uexillis, & laciniarum coloribus uterentur. Militaria enim sagula singulis equitibus ab humero dextro in obliquum femur, coccineo colore; e contraria uero parte, per transuersum albo, & caelesti alternatim undulato distinguebantur. Verum ut aliquod ex propinquo discrimen foret, peracitos Sfortia fluctus, obtusiores uero Braccius eleganter expresserant. Quorum insignium argumentis, atque coloribus hodie quoque utriusque factionis studiosos uti uidemus: quum centum quinquaginta & quatuor anni numerentur, ex quo ea ipsi authores, & Principes gestare ceperint.

De causis amicitiae cum Braccio abruptae.

Cap. XV.

Ed eam demum amicitiam iampridem obtreffatione gloriae, & uirtutis æmulatione comminutam Sfortia grauisimis offensus iniurijs, post XXX. annos, adaperto tandem animo, & libero ore penitus abruptit: quum ipso Sfortia ad Beneuentum in carcerem coniecto, Braccius nihil amici calamitate permotus, uiolata repente amicitia, ea oppida, quæ sunt in Thuscis inter Cassiam uiam & Aureliam, Sfortianæ ditio-
nis, Tartaliæ inuadenda, occupandaque tribuisset: idq; eò infestius à Braccio factum fuisse uidebatur, quoniam ab initio ipsius fidei commendata fuerant, & subinde Tartalia grauiorem iniuriam occupatis oppidis addiderat: quum Sfortianas turmas in hybernis oppresisset, fortissimo quoque

B ii

Decurionum, & equitum in uinculis retento. Braccius enim in Umbria felici rerum successu elatus, uasta cupiditate animum intenderat, ut urbis Romæ imperio potiretur. Tribus siquidem ea tempestate Pontificibus, immani Cardinalium ambitione, atque superbia creatis, christiana religio lacerabatur: Roma que terrarum quondam Domina, fame, pestilentia, ac incendijs deformata, obseffa latronibus, ac orbata Pontifice, factiosorum libidini seruibat. Ad id audendum, patrandumque facinus, idoneus, & opportunus erat Tartalia: quum sub signis eius mille equites, & bis totidem pedites militarent. Fœdere itaque icto, ut mutuis auxilijs, atque opibus fines proferrent, & sese aduersus uim hostium tuerentur, Tartalia facile cuncta usque ad Senensium fines in potestatem redegit, præter Aquenses, & Porсениos, qui Sfortianorum præsidio tenebantur. Braccius uero positus ad Anienem castris, suisque tumultuario prælio Romanorum copijs urbe potitus est. Per eos quoque dies Braccius Michæletum, qui, capto Sfortia, ad eum amicitie iure cum trecentis equitibus confugerat, omni pudore dissoluto missum fecit, nec persoluto quidem stipendio. Quam demum contumeliam indignatus Braccio Picininus, magno, nobilique animo resarciuit, quum ex domestico abaco argentum omne, ut æs alienum cum milite dissolueretur, ad Michæletum dedulisset. Per hunc modum inter se diducti, accensique odio Sfortia, & Braccius Italicæ militiæ principes effecti, magnosque exercitus ducentes, de nomine, sectas condiderunt. Qui

bus demum liberarum ciuitatum, Regum, atque Pontificum opes uehementer attrita, conuulsaq; sunt: quum ueluti ex condicto, pudenda eius seculi conditione, ad alenda bella sæpe altercantes, & semper aduersi, modo his, modo illis, mercenaria arma inferrent, aut sustinerent.

De causa inimicitiarum cum Tartalia.

Cap. XVI.

Rauit etiam de causa multis ante annis cum Tartalia amicitiam diremerat: quum ad Casalecium, malignitate, aut metu deserente locum Tartalia, se ab hostium cuncis ex obliquo irrumpentibus, cum turma protritum, & captum quæreretur. Ea res, uti multorum oculis liquidissime spectata, euulgataque utrinque in castris, dilui non potuit: Ob id in Tartaliæ pectus alte, taciteque descenderat, adeo, ut occultum uinceret odium: & eo quidem letalius, quod illa eadem familiaritatis imago officijs quibusdam, & alloquijs sustentabatur.

De prima equitum Præfectura.

Cap. XVII.

Vo primum ductu apud Broliam uiginti quinque equitibus præfuit: qui numerus equitum eo tempore Turmam implebat. Apud Albertum autem Ferrariæ Principem iustæ alæ uexillum sustulit, coniuncto sibi Laurentio: In ea fuere equites ducenti. At confecto ibi bello reuersus ad Broliam baud multum ibi permansit, accitus à Raspanibus, qui tum

Perusiae popularem statum induxerant: Oppugnabat eorum
 libertatem Ioannes Galeacius Vicecomes: Illi ex ad-
 uerso, contractis auxilijs, uno maxime Sfortia Duce, scipso
 acerrime tuebantur. Sed ciuitas uiribus impar opulentissimo
 hosti tandem cecidit. Eo bello Sfortia uigilantis, intrepidi, ma-
 ximeque pugnacis Ducis famam consecutus, utrinque uirtu-
 tis & fidei praemium tulit. Donatus enim est publice ad or-
 namentum abaci, caelato argento, & ab hostium Duce, du-
 plicato stipendio, Ioannis Galeacii militiae adscriptus. Inie-
 tum arctiorem amicitiam, societatemque cum Parino certa
 lege communicatis turmis, ut aequali auspicio regerentur.
 Sed profecti ad Insubres, quum non uno in loco aequali sor-
 te, sed dispari cum laude militassent, obscuriusque in dies fie-
 ret Parini nomen, Sfortia scilicet fortibus factis duorum fa-
 mam uendicante, liuore, atque perfidia Parini exauthoratus,
 dimissus quod est: Quum falso accusaretur apud suspicacem
 Principem tanquam occultus, & capitalis Gibellinarum par-
 tium hostis, & genere Guelfus: cui factioni se maxime
 aduersum Galeacius, quod ita sibi conducere, factis & di-
 ctis profiteretur. Eo modo proditus, sed cum multo uerbo-
 rum honore a Galeacio dimissus ad Florentinos se contulit,
 qui tum Gallorum Reges, & Germanos Caesares aduersus
 Galeacium concitarant.

De insignibus gentilitijs à Roberto Cesare dono
 acceptis. Cap. XVIII.

Vb id tempus SFORTIAM iam
 pridem eximia uirtutis opinione percele-
 brem, Robertus Cæsar Augustus Roma-
 norum Imperator illustrem fecit. Descenderat is in Italiam
 Florentinorum pecunijs euocatus ad bellum, ut Calcacius
 Mediolano pelleretur. Sed demum duobus tumultuarijs
 prælijs ad Brixiam pulsus, repressusq, quum Patavium re-
 parandis copijs diuertisset, obuiam honoris, et præsidij cau-
 sa Sfortiam habuit, qui tum statuis in castris ad Montagna-
 nam Patavino Principi Venetorum oppresso armis opem
 tulcrat, præpositus Florentinorum auxilijs, quæ socio, ami-
 coque Principi iure fœderis mittebantur. Excepit Cæsa-
 rem perornato, compositoque more militiæ, tecto equitatu, cir-
 cunductis, et in duplices alas digestis ordinibus, ita, ut Cæ-
 sar ea specie cataphractorum equitum, qui cristati, bardatiq,
 omnes procurrerant, mirum in modum oblectaretur, erige-
 retq, animum, renouando bello, si iis maxime copijs, et
 Sfortia Duce iuuaretur. Commouit et in admirationem
 Robertum simul, Procuresq, Germanos Sfortiæ equus tanta
 arte concitatus, circumactusq, in gyros, rursusq, tum ple-
 nis, tum suspensis saltibus reflexus, ut si ssore Sfortia ne-
 mo peritior, aut habilior reperiri posse uideretur. Qua una
 arte Germani grauiore, segnioresq, habentes equos, dudum
 ad Brixiam se uictos fuisse memorabant. Visebatur in
 Sfortiæ uexillis Citionum pomum, uetus Attendulæ gentis
 insigne, ductum scilicet ab Oppidi nomine, uti Principem

familiam decuit. Ad id aspiciens Cæsar, & ad Sfortiam
se conuertens: Dignum, inquit, uirtute tua Leonem dabo, qui
Citonium læua sustineat, & minaci dextra tucatur, ne quis
attrahat, atque corripiat. Atque ita tabulis lata membrana
confectis, Leonem fuluum erecta cervice, alteri pedi inni-
xum, dono dedit: concessitq; ut Attenduli omnes eo argumen-
to uterentur, essentq; in clientela Baioariæ Principum, quo-
rum esset à prisca origine gentilitium insigne. Nam Ro-
bertus ipse, Norici Regulus, è Baioaria familia suffragijs
Germaniæ Procerum de more ad imperium accesserat.

De honoratiore militia eius. Cap. XIX.

Egressus in Hetruriam Florentinis aliquot
annos militauit: Bononiensi primum bel-
lo, quo uel ab aduerso pugnae euentu, quum
in hostium potestatem uenisset, & fama clarior, & stipen-
dio auctior euasit. Pisano autem bello id magni Ducis spe-
cimen dedit, ut Nerij Caponij manu, de Angelo Pergulano
hostium Duce profligato, lauream acciperet, atq; item lilia-
tum uexillum, decretoque demum publico annua pecunia
donatiui nomine donaretur. Sed Pisanis in seruitutem reda-
ctis, quum Florentini quiete, atque otio fruerentur, ad Nico-
laum Atestinum Ferrariæ Principem contendit: Is tum ab
Othone Tertio Parmensium Tyranno accerrime premeba-
tur. Galeacio enim Vicecomite morte sublato, Duces, dilace-
rato eius imperio, singuli singulas urbes occuparant. Par-

ma Regiunq;

ma, Regiūque Lepidi cum multis oppidis Othoni cessere.
 Is ueteranis instructus copijs, in quibus supra quatuor equitum
 milia fuerant, Mutinæ, atque Ferrariæ imminēbat: popula-
 baturque effuse agrum, & cuncta bellico terrore complebat.
 Cæterum superuentu Sfortiæ, eius impetus fortiter est re-
 pressus, bis conferta pugna, semel pro Mutinæ portis,
 quum Sfortia in eum ad suburbana usque tecta insolentissi-
 me prouectum duabus portis feliciter erupisset, ac iterum
 non longè à Roberia, ubi Othoniani loco pulsī, pontēque de-
 iecti, multis suorum amisissis terga uerterunt. Nec multo
 post, ad Regiolum ancipiti euentu ex itinere dimicatum:
 quum Sfortianos à Guastalla maioris pecoris agentes præ-
 dam Otho ferociter adortus ancipiti periculo conflixisset.
 Suffoso enim equo circumuentum, & captum, tanta ui uetera-
 ni equites, ut opem ferrent, signa intulerunt, ut erepto Duce
 ipso ex Sfortianis ad triginta equites cum Michaelto cape-
 rentur. Hos Otho contra morem militiæ compedibus one-
 ratos, duro in carcere quatuor menses detinuit: adeoque in-
 humaniter cruciauit, ut media hyeme nudos gelida aqua per-
 funderet. Sed perrupto demum carcere feliciter effugerunt,
 ut eam iniuriam Othonis cæde uindicarent.

Decade Othonis Tertii. . . Cap. XX.

Tho, ubi conatibus suis sustinente, urgen-
 teque Sfortia, acerrime resisti uidet, pacem,
 ut falleret, se appetere simulauit, sperans

Nicolaum, prægrauante stipendio, Sfortianas copias esse dimissurum, ut demum ex occasione incautum, exutumque armis repentinus inuaderet. Postulabat igitur Otho, ut Nicolaus in colloquium deuenire minimè grauaretur, ut coram de pace liquidissime agi posset. Id bis abnuerat Nicolaus ab insidioso, astutoque homine dolum uertus. Sed tandem assensit, ut eius perfidiam præoccuparet, Res eo modo composita est, ut ambo inermes, binis stipati equitibus, parique spacio à suorum agminibus prouecti ad primum à Roberia lapidem militari in uia conuenirent. Adierant Othoni Guido Taurellus, & Antonaccius Aquilanus clari Duces: Nicolaum uero Sfortia, & Michaelus medium tenebant. Cæterum uix dum cæptis sermonibus, Sfortia præalto, & feroci equo in Othonem repente concitato eum per loricam, quam lacinia tectam frustra induerat, sub costis gladio transsodit, prostratum confecit Michaelus: Taurellus & Aquilanus, quum signo dato undique ex insidijs procurreretur, capti; comitatus uero eorum in fugam præceps, magna ex parte armis, & equis exutus est. Ex temploque Sfortia promotis castris Parmam contendit: receptusque à ciuibus, qui liberatori, & tyrannicidæ insigni studio fauendum existimabant, Othonis filium in arce obsedit: Is erat Nicolaus cognomento Guerrerius, quæ uox bellicosum sonat. Ea dedita, pari demum euentu, & Regium, & sancti Donini oppidum, cum Triginta amplius castellis in ditionem Atestini deueniunt: ita, ut fortuna puncto tem-

x

poris Othonis imperio pariter, ac uitæ finem attulerit.
His rebus biennio confectis, Sfortia quum à Nicolao discede-
ret, Monticulo Parmensis agri oppido donatus est; atq; item
uexillo, in quo Adamas Turbinatus aureo inclusus annulo
depictus erat: quo insigui postea, & ipsum, & posteros
eius perpetuò usos fuisse conspiciamus.

De diuersitate sumæ ex Othonis cæde.

Cap. XXI.

f

Vere ea tempestate, qui clarissimi facti no-
men accumulata cum laude celebrarent. Por-
rò alij contrà interpretarentur: utpotè qui
sacro sanctam colloquij fidem singulari perfidia uiolatam,
iusq; gentium fædo in posteros exemplo temeratum, atque
sublatum diſſentirent: Adeò, ut Sfortiæ, militari iudicio, ma-
gna quidem inuidia, sed Nicolao multò maxima conflaretur.
Quamobrem Sfortia, ubi se acrius perstringi didicit, publi-
co in loco, ita, ut à multis insignibus uiris exaudiretur, in
hunc modum est prolocutus: Desinant, inquit, ex occulto
uerbis criminari, quicquid de Othone transactum est: Quan-
doquidem ego eum iure cæsum, siquis improbet, singulari cer-
tamine sim ostensurus. An non ego etiam ingratus, & ne-
quaquam existimari potuerim, si principi, qui me ipsum, co-
piasq; meas alit, parere, operamque præstare recusasset: in
eo præsertim homine tollendo, qui perfidia, & sæua ty-
rannide infamis, contra fas, & æquum, scelcratis armis alie-
na appetebat: quum & ego quoque immuni lacesitus iniu-

C ii

ria cum priuato nomine, & iure quidem optimo, uel ad
aram fuerim occisurus.

Quibus Principibus operam nauarit.

Cap. XXII.

¶ Vatuor demum Pontificibus Maximis, &
9 totidē Regibus, aut Dux summus, aut æqua
li cum imperio operā nauarit: Gregorio
XII. primū, ac Alexandro V. quum Ludouicū II. Ande
gauensem, in paternum regnum reduceret: ac demum Ioan
ni XXIII. A quo insigni liberalitate, ut merita stipen
dia solucrentur, Cotignolam patriam dono accepit. Quo
munere nihil uberius, aut omnino iucundius in toto uitæ cur
su sibi euenisse fatebatur, quod honestissimo dominatu par
to, ciuium suorum Princeps esset effectus. Afferuit demum
in libertatem Romanos, Braccio urbe depulso, Legatumque
Vselanum in arce diu obsessum dignitati restituit, Stephanuc
cio Cardinale in carcerem coniecto, qui ordinis, & patriæ
dignitatis oblitus, auersusq; Pontifici, Braccij partes seque
batur. Martinus enim in Concilio apud Constantiam, Ioan
ne in ordinem Senatorium redacto, omnium suffragiis Pon
tifex renuntiatus in Italiam uenerat. Nec multo post, Sfor
tia, uti decuit Pontificiæ dignitatis assertorem, urbe Roma
Iordano Columnæ tradita (is à fratre Pontifice præmissus
fuerat) sacrosanctæ militiæ Vexillifer creatus est: ut co ho
nore, qui in Italia supremus habetur, supra cæteros duces
emineret.

Ludouico Secundo insignem tantum beneuo-
 à lentiam, gratiamque promeruit, quum ille
 Ladislao ad Fregellas memorabili acie su-
 perato, uictoria uti nesciisset, interrupto scilicet secunda-
 rum rerum cursu, pessimis Pauli Vrsini artibus. Transiit
 demum magnis, frequentibusque iniurijs, ab eodem Paulo ur-
 be extrusus, ad Ladislaum. Ab hoc Rege, qui totius Italiae
 imperium ingenti animo affectabat, quatuor oppidis in Sa-
 mnio donatus est: quum & antea Franciscum filium ur-
 bis Tricarici Comitem fecisset: qui tredecim annorum pu-
 er, ut paternae fidei obses foret, e Ferraria Neapolim ad-
 uenerat. Ladislao autem immatura morte surrepto, sorori
 eius Ioannae Reginae adhæsit: iactatusque est uario euentu,
 magnis fortunæ fluctibus: quum modo insigni gratia flo-
 reret, modo graui pressus inuidia mergeretur. Incredibile
 quidem dictu est, quantos æstus receperit Reginae ani-
 mus, quum insanis amoribus perditissime descriuere. Nam
 Alopo, Urbanus Aurilia, atque eo prætextu legationis in
 Germaniam ablegato Caracciolus successerant. His admi-
 scebatur Sfortia, procacibus Reginae oculis ad amorem pel-
 lectus: Eo cæteris grauior riualis, quod omnes simul in-
 gentis animi uirtute, copiarumque inuictis opibus anteciret.
 Inter tantos rerum motus, quibus modo aduersa, modo secun-
 da, & semper instabilis fortuna Sfortiam exercuit, obue-
 nere ci, largiente Regina, Beneuentum, Manfredonia, Baro-

lum, itemque Tranium urbes, & supra XX. Oppida,
partim in Apulis, & Samnio, partim in Brutijs, atque Lu
canis. Sed diductus demum à Regina, quum Sirgiani dolis,
ac insidijs peteretur, Ludouico Tertio Secundi filio se con
iunxit, ita iubente Martino Pontifice, qui Ioannam Regiæ
maiestatis nomen perpetuis stupris dedecorantem, regno
exturbendam suscepit. Sed amantium iræ, bella, suspi
ciones eum rebus exitum dederunt, ut Sfortia rursus in gra
tiam, pristinumque militiæ honorem reciperetur. Quo etiam
tempore cum Braccio ueterem amicitiam repetiuit, quam duo
longè clarissimi Duces, manentibus inducijs, in colloquium
Sacomania in sylua deuenissent. Desciuit demum ab ado
ptante matre Regina ingratus filius, Rex Alfonsus: adeo,
ut capto Caracciolo in arce Capuana Reginam oppugna
ret. Qua indignitate permotus Sfortia, obsessæ celeriter
opem tulit: memorabiliq; pugna, Rege profligato, Catala
nos in arcem nouam compulit: neque postea unquam ab of
ficio, amicitiaque discessum.

Quoties prospere, infelicitersq; pugnat.

Cap. XXIIII.

s Epties iusta acie feliciter pugnauit, ter tan
tum alteram fortunam expertus, & ea
quidem conditione, ut aduersis aliquantò cla
rior, quàm secundis haberetur. Nemo enim eo constantius
hostilem impetum ferre, pertinacius resistere, nobilius pe
dem referre, & denique fortius Ducis simul, ac militis of

ficia implere didicerat: utpotè qui nunquam propinquo, & ferienti hosti terga ostenderet: nunquam nisi omnium postremus, & ora ferociter obuertens, & acriter repugnans, se reciperet.

De Angelo Pergulano profligato.

Cap. XXV.

Isanis graui bello, & prædura obsidione
P ferme oppressis, quum Angelus Pergulanus, incomparabili uictoria de Heluetijs parta, admodum clarus, qui opem ferret, Aurelia uia, per Senensum oram aduentare nuntiaretur, unus Sfortia obuiam eundi, reprimendiq; hostis munus alacriter suscepit: Quamquam Bertoldus Vrsinus ad quem belli summa respiciebat, ne ancipiti prælio pugnandum foret, remoturus à muris castra id consilium damnaret, & minus ab ipso quoque Taralia probaretur. Concedente igitur Nerio Caponio legato, qui promptum in eo animi uigorem admirabatur, magnis, ac inusitatis die, noctuque, confectis itineribus, syluisq; etiam, ac impeditis fluminibus, magno labore superatis, improuisus ad hostes contendit. Quo repentino incur su, cum signa è syluis educerentur, tantum terrorem imparatis intulit, ut Pergulanus bis frustra composito agmine, bis pugna strenue instaurata, fusus, fugatusq; sit, signis, ac impedimentis omnibus amissis, & uix quarta parte equitum ex uehementi cursu seruata. Ad eam quoque uictoriam memorabile facinus adiunxit, quum detracta hostibus saga, equites suos

inducere, prælatiſq; Pergulani uexillis ad proximi oppidi
portam procedere felici dolo præcepiſſet. Id erat Caſtel-
lionum ab Aprili piſcoſo lacu Piſcarium appellatum, in ora
maris ſaxeo tumulo impoſitum. Nec mora, oppidani eo er-
rore decepti, hoſtes pro ſocijs gratulanter exceperunt. Atq;
ita irrumpente occupatam à primis portam toto exercitu, op-
pidum captum, direptumque eſt. Ob eam rem à Pergulano
male geſtam, deſperatis rebus, Piſani Florentinis deditio-
nem fecerunt. Sfortiæ autem, dum uita maneret, Senatus, uti
de Republica benemerito, millenos quot annis aureos lilia-
tos donatiui nomine decreuit.

De Ladislao Rege ad Lirim ſuperato.

Cap. XXVI.

O Bello, quo Ludouicus Secundus Andega-
uenſis, adiuuante Gregorio Pontifice, ipſo
Sfortia, ac item Paulo Urſino Ducibus, in
Apuliæ regnum reducebatur, mirum in modum, cum pru-
dentiæ militaris, tum inuſitatæ uirtutis laude, nominis fa-
mam adauxit. Ladislao enim Rege, ut fines tueretur, ex
Caſſinatibus campis alacriter prouecto, quum ob id ſuſpen-
ſo admodum Ludouico Duces cunctarentur, Sfortia perno-
bili in medium prolata ſententia tranſeundum omnino Ly-
rim amnem, atque è ueſtigio hoſtes inuadendos cenſuit: quod
cunctari, & ſedere arma inferentibus, ineptum, & exitia-
le uideretur. Itaque Lyri ſupra Fregellas, uado ſuperato, col-
latis ſignis eſt dimicatum: & eo quidem euentu, ut proſli-
gato

gato Rege, & prostratis eius copijs, castrisq; etiam, & signis, ac Ducibus captis, uictoria inter memorabiles pararetur. Eo die Sfortia, cuncta moderatus, instruxit aciem: & primum agmen in hostes induxit, ita, ut ferè omnium primus fortissimum quenque se sequi iubens, inclinata, adpressaq; lateri hasta, purpurcis insignibus conspicuus, Nicolaum Campobasse Comitem, qui auratis armis refulgens, & præalte cristatus eminebat, ingenti ictu prosterneret, & caperet: ipse que demum, uariante fortuna, ut fit, crescentibus utrinque auxilijs, in omni ferè pugnae loco, atque periculo, & præclarus adhortator, & bellator acerrimus conspiceretur. Vsus est ea die incomparabili equo spadice alternos pedes usque ad genua calciato, cui ab agilitate Cato nomen erat. Primam igitur uictoriae lauream Ludouicus Sfortiae detulit, inuidente Paulo Vrsino. Quod non multis inde annis Ladislaus, ambobus Regijs in castris ad Tudertum militantibus, præclaro testimonio confirmauit: quum præsentem Paulo, Sfortiam interrogans, dixisset: An non, & hoc oppidum expugnabis, qui ad Lirim cum illo Cato equo tuo ubique pugnax, & uehemens, me ipsum, copiasq; meas profligasti? Quæ uerba in Pauli animum iam antea cæciliore corruptum, profunde admodum descenderunt. Sfortiam enim uir superbus, neque superiorem sibi, neque parem existimari uolebat.

De prælio ad Aquilam feliciter commisso.

Cap. XXVII.

D

¶ Vum Regina delitijs, amoribusq; uacaret,
q et Alopus Regio planè fastu rerum potire
tur, capto demum Sfortia, plerique regni
Proceres ab ea defecerant. Sed ante alios Alopum, Regi-
namque terrebat Antonaccius Regulus, uir bello clarus, qui
Aquilam ualidissimam urbem occuparat. Is terror Sfortiæ
saluti fuit. Custodia ctenim eductus, instructo ualido exerci-
tu, Aquilam contendit. Cum castra ad urbem proferren-
tur, Antonaccius uiribus, ac ingenio ferox, minimè dubita-
uit, quin copias omnes militares, atque item Aquilanorum iu-
uentutem, et ingentem armatorum agrestium manum educe-
ret, et magna loci fiducia, et populari quadam alacrita-
te, infestis signis, in Sfortiam deferretur. Ferunt Sfortiam
temeritate, ac insolentia hostium permotum risisse paulu-
lum, monuisseque Præfectos, ut confertum, maximè que den-
satum cataphractorum agmen irruentibus obijcerent, nihil
autem loco mouerentur, donec ipse, quid fieri uellet, tuba si-
gnum dedisset. Erat in dextra, accliuus locus, ibi cohortes lo-
cat: ad læuam, planiore in loco, leuem armaturam eque-
strem lunata ala sese ostentare iubet: ipse subductis è me-
dio agmine delectis aliquot turmis, magno itineris flexu, in
tergo nihil tale putantibus sese ostendit, ita, ut nouissimos ho-
stium exeuntes porta, partim intra urbem compelleret, par-
tim ab urbe exclusos, et ad suorum extremum agmen con-
fugientes persequeretur. Tum uero signo tuba dato, et pe-
ditatus ab accliu loco repente in latus hostium decurrens, et

lenis armaturæ è diuerso expansis alis concitata, in medios impetum fecere: Cataphractus quoque equitatus à fronte irruentium impetum egregie excepit, atque sustinuit: Ac eodem ferè puncto temporis Sfortia cecidit terga. Quibus malis undique circumuenti Aquilani, in medio cæsi, Et ad unum ferè omnes cum Ducibus, atque uexillis capti, temeritatis poenas dederunt. Qua calamitate permoti, qui in urbe resisterant, portas uictoribus aperuere, orantes Sfortiam, ut uictos pariter, Et deditos conseruaret. Nec mora, captiuos omnes una uoce liberauit: Antonacciumque in primis, Et Decuriones urbis cænæ adhibuit. Tanta re patrata, confecto que bello sine suorum uulnere hortatus est Aquilanos, ut Reginae nomen in posterum fidelius colerent, Et ad impetrandam erroris ueniam ipsius auctoritate, ac officio uterentur: se libentissime intercessurum pro his, quos incolumes conseruasset, quum iure belli diripere, atque interficere possset. Id uero fortunæ fuit humanis rebus illudentis, Aquilanos paulo ante superbia elatos, ingentiq; mox fractos calamitate, Et demum subito, atque insperato gaudio exultantes conspexisse. Quo Aquilanorum exemplo adducti, Iulius Cæsar Capuanus, qui Capuam occuparat, Et Carolus Martianus, Et Christophorus Caietanus, restitutis urbibus, ac oppidis, ueluti desperantes, consilioque depulsi, Sfortia uade, fidemque suam Reginae nomine præstante ad officium redierunt.

De Tartaria ad Tuscanellam deuieto.

Cap. XXVIII.

D ii

Artaliam inimico simul, ac hostili animo
persecutus, ad Thuscanelam improvisa acie
profligauit, ulturus iniurias, quas superiore
anno, dum in custodia seruaretur, acceperat. Noctu enim à
diuersa Viterbij porta, ut speculatores falleret, cum expedi-
tis copijs profectus, pedites caua in ualle occultauit, ut ex in-
sidijs, quum signum pugnae datum foret, extemplo profili-
rent: Turmas uero quatuor, cum Sanctoparente, obliquo iti-
nere locatas statuit: ipse cum robore equitatus intra syluam
constitit: Vti praeceperat, praemis si leuis armaturae equites,
praedatorum specie, armenta pascentia corripere, fugatis
agrestibus, coeperunt. Tartalia ad clamorem excitatur, fami-
liam armat, praedam abigentium tergis inherere iubet: cre-
scente tumultu, oritur praelium. Auctis numero hostibus
Tartaliani equites ad tubae cantum sub signis porta effun-
duntur. Nec se continet Tartalia, quin ad ferendam opem
cum globo cataphractorum crumpat. Tum uero erupere
e syluis undique Sfortiani: pugnatumque est, ac si alias un-
quam longè fortissime. Sed premente Sfortia acrius, ster-
nenteque signa, Tartaliani intra portam sunt compulsi, ma-
gno accepto detrimento, maioreque Ducis periculo, qui inue-
ctus per pontem irrumpentibus simul Sfortianis casu quo-
dam seruatus est: quum Hugonem Sfortianae turmae praefe-
ctum, uehementi offensione ab cathena pontis in fossam de-
turbatum, reliqui impedito, atque occupato ponte subsequi ne-
quiuisent. Nam Tartalia saucius, et multo perculsus me-

in exemplo cataractam demitti iussit, ita, ut alienæ salutis oblitus tertiam ferè suorum partem excluderet. In his Donatus Lauellus Tartaliæ frater fuit. Captus est & in oppido Pellinus Cotignola Dux turmæ fortissimus: qui cognitum Tartaliæ, magnisq; ictibus ferræ clauæ percussus, ut caperet, fuerat insecutus. Eo prælio Franciscus Sfortiæ filius sextumdecimum natus annum, quod antea ei pater minimè concesserat, in aduersos hostes alacriter hastam perripuit: subindè que cingulo militari, & calcaribus aureis, præclaro etiam hostium testimonio exornari promeruit.

De pugna ad Sebeti Pontem e grege depugnata. Cap. XXIX.

Emorabili autem ea acie, qua iuxta Neapolim ad Sebeti amnis pontem pluribus horis est dimicatum, mirificæ uirtutis laudem tulit: præclaro maximè Alphonsi Regis præconio confirmatam, qui tum hostis, & spectator è trireme cuncta oculis obseruabat. Reducebat tum Sfortia Ludovicum III. Andegauensem in auita, paternæque iura Neapolitani Regni, auctore Martino Pontifice: Quum Reginam seuerè aliquandiu, & frustra demum castigatam armis omnino persequendam censuisset: quod nihil famæ suæ parceret, nec ullo dedecoris metu, aut respectu Christianæ pictatis permoueretur: Vtpotè quæ iampridem contra fas, & Regum decus, amatoris Sergiani intolerandæ libidini nobilissimi regni nomen, & diuina, ac humana omnia subiecisset. Ob

id impotens sui mulier libidine simul, atque superbia exar-
dens, Alphonsum in Corsica bellum gerente euocarat, adopta-
ratq; in filium, ut Hispanicis opib. uim Galli hostis propul-
saret. Itaque multis ante diebus oppugnata, & ex insidijs
per aquæductum, & obsoletam portam semicapta Neapo-
li, & Ludouicus in Sfortiana castra ad Auersam peruenit,
& Alphonsi onerariæ, & rostratæ naues ad Oui arcem ap-
pulerunt. Quamobrem Sfortia, & nauandæ operæ, &
ostentandæ uirtutis cupidus ad Scetum usque castra pro-
mouit. Inde sex stadijs ad urbis portas, præmissis lenis
armaturæ equitibus, non modo Reginae stipendijs addictos,
Vrsu Vrsinum, & Iacobum Candolam, & Bernardum
Cartheium Duces, uerum & equites Catalanos, quos Al-
phonso aduexerat, & Neapolitanos, tum maximè equitatu
studentes ad prælium exiuit. Commissa est pugna pari-
bus animis: Sed Alphonsi tiremes ad litus admovente, &
lapideas pilas tormentis in opposita hostium latera sæpius
emittente, ter repressa est Sfortiæ uirtus. Sed deteresa tormen-
ti ictu ab caside crista, eo ardore pugnam restituit, & si-
gna intulit, ut pulsî loco hostes terga darent, & dissipato
agmine cum multa equorum, ac hominum strage intra por-
tam compellerentur. Tum uero Sfortia uictor, ut Ludouico
simul, ac Alphonso designatis Regibus ardorem, studiumq;
suum ostentaret, in præalta ad portam munitione Andaga-
uensium signa præfixit, tutatus ea per semihoræ spacium
ne à quoquam prius, quàm se reciperet, impune tollerentur.

Eo praelio id certe memoria dignum accidit, ut uirtutis amore Alphonsus in eum unum tormenta naualia dirigi uctaret. Sfortia uero pariter ediceret, ne currulibus tormentis in litore constitutis triremis Regia peteretur. Nam Squarcia Monopolitanus inter Sfortianos bellator accerrimus, quum suffosso equo captus, & ad Regiam triremem scapha perductus, petente Rege, pugnantem Sfortiam digito commonstrasset, ille pernobilis, & plane regia humanitate, parcendum cum Duci eximio, tum bellatori fortissimo protinus edixerat.

De Roma libertati restituta, & Picinino acie capto. Cap. XXX.

Issus à Regina cum ualidisimis copiis, ut in urbem Romam impotenti Braccij dominatu liberaret, ad promerendam eo insigni beneficio gratiam apud Martinum Pontificem, inter Appiam, & Latinam portam castra locauit. Inde quum Braccium, uel missa per praekonem cruenta ad eum cheirotheca, ut iusto praelio certaretur, frustra prouocasset, supra Ostiam demum Tyberi ponte constrato, exercitum traduxit, tanta animi magnitudine, uictoriaeque fiducia, ut dubitantibus, sciscitantibusque Praefectis, an ullum haberet amicum, à quo comectum esset petiturus, comprehenso gladii capulo, responderit: His uiris, & fortibus omnia feliciter expedit. Atque ita pontem rescindi iusserit. Ad eius rei famam, ad comente commotum fuisse Braccium ferunt, ut diffusus Populo Romano, nec conclamatis quidem uasis, multisque relictis impe-

IV
dimentis per Miluium pontem se proriperet, atque inde
recisa pontis parte, ne hostis insequi posset, in Vmbriae fi-
nes citato agmine deferretur. Sed compositis iam urbanis re-
bus, Picininus Braccio circa Preneste cum parte exercitus
relictus, quum infesta populatione circa urbem Romano-
rum armenta diriperet, & Romanos primò, ac ipsum de-
nique Sfortiam, ut opem ferret, ad prælium exciuit. Pu-
gnatum est uario euentu, & utrinque semper acerrime præ-
ter aquæductum: quum Picininus prædam tueri, & Sfor-
tiani, Romaniq; iam longè abactam recuperare, summa con-
tentione decertarent. Ad extremum adnitente, cohortanteq;
Sfortia, Bracciani profligantur, omnisq; item præda recipi-
tur, capiturq; ipse Dux hostium Picininus, ad augendam Ro-
manorum, Sfortiaq; lætitiā. Istandiu in Capitolio ualde
humaniter, ac liberaliter custoditus, non prius est emissus,
quàm impetrante Braccio Sfortiani milites, Ducesq; à Tar-
talia in insulas Vulsinij lacus relegati, facta permutatione,
ad Sfortiam incolumes perueniunt.

De Alphonso Rege acie profligato. Cap. XXXI.

1 Onge autem nobilissime, secundissimeque
cum Alphonso Rege conflixit: quum ille
ingrato animo, atq; impijs armis Reginam
matrem oppugnaret. Procurante enim Martino, nec abnuen-
te Ludouico ad Caietam pace facta, & restitutis demum
Acerris, Sfortia Regina, Regisq; militiae fuerat adscriptus,
ea conditione,

ea conditione, ut præoccupanti, exigentiq; operam nauaret. Eo tempore Alphonsus regnandi audus, neque probra famosæ matris, neque portentosam Sergiani potentiam ferre poterat. Itaque felici astu, simulata ægritudine, illectum ob id Sergianum, ac officij causa, ut decumbenti assideret, in arcem nouam uenientem cum uniuerfa familia comprehendit, correptisq; repente armis, cum delecta ad id Catalanorum manu, ut Reginam opprimeret, ad Capuanam arcem aduolauit. Sed magno casu, renuntiante Sergiani casum puero, qui facile inter crura custodum portæ elapsus accurrerat, Regina seruata est. Iam enim armatus Rex prioribus equi pedibus pontem attigerat, quum à Damiano Centurione, reiecto per frenum equo, ianua est prohibitus. Nec mora, ac citis milique copijs, circumsideri, oppugnariq; missilibus, atq; tormentis cepit. Peruasere tamen cum literis Reginæ ad Sfortiam mittij, maturam opem perditis rebus implorantes. Itaque Sfortia à Mirabello, insigni celeritate, Neapolim, promotisq; copijs, profectus, per idoneos homines orauit Regem, ut sedo incepto abstinere, nec à scæmina cadem & matre oppressa (quod à uirtute Regij animi alienum uideretur) gloriam appetere uellet. Se enim officij lege præoccupatum Reginæ saluti desisse non posse: sed daturum enixe operam, ut Regina eum ex quo regnare pateretur tollerenturq; dissensionis causæ: quod factu facile foret. Quandoquidem Sergianus in ipsius manu esset: à quo Reginæ animus ad omnem consilij casum expositus dependet.

ret. Ad ea Alphonsus elate respondit: Se Sfortia armato, disceptatore, atque arbitro uti nolle. Nec multò post, magnis accitis undique copijs, Regio spiritu egressus urbe, collatis signis, cum Sfortia dimicavit. Eo prælio uera uirtute, & uario sæpe euentu, quum multis horis pugnaretur, ad extremum Sfortia, felici consilio, hortorum macerias in latere hostium disiecit, ancipitiq; acie circumuentos hostes fudit: tanta ui in transuersos inuectus, ut penè Rex ipse interclusus caperetur. In ea equorum, ac hominum strage, Sfortia primum Regiæ alæ Signiferum sua manu confodit: captâque sunt equitum ad duo millia, & in his nobiles Catalani centum uiginti: Illustresq; uiri Raimundus Perillius, Ioannes Moncata, Bernardus Contellia, & Lupus Corellia. Eodem uictoriæ impetu in arcem Alphonsus est compulsus, ita, ut à Neapolitanis, Sfortianisq; Catalanorum omnium domus in prædam uerterentur.

De infelicitate prælii ad Viterbium.

Cap. XXXII.

i Nfelici porrò euentu ad Viterbium cum Braccio pugnavit: sed desertus, & proditus à Giliberto, & Nicolao Vrsino, qui cum Braccis, paucis ante diebus, occulto fœdere iuncto, ubi occasionem fortuna præbuiisset, se Sfortiam in acie deserturos promiserant: Cuius sceleris indices tabulas Nicolai subscriptas manu, Braccius in colloquio ad Saccomaniam syluam Sfortiæ postea ostendit. Dimicatum est Cassia in uia non

longè à Buſſetanis aquis, quum Tartalia tranſuectis per
 Vulſinium lacum copijs ſuis Braccio ſe coniunxiſſet, qui ab
 Ariſpampano, & à Balneo Regio (id Feroniæ lucus fuit)
 ad montem Falifcum peruenerat. Pugnaucere ſummi Du-
 ces, ſummiſ incenſi odijs, ſummiſq; uel ob id annexi uiribus,
 à meridie ad occaſum ſolis: Quum nemo (teſte demum ui-
 ctore Braccio) è tantis copijs (quandoquidem ab octo milli-
 bus equitum pugnaretur) ipſo Sfortia, aut maiore arte, aut
 uehementiore impetu, aut diuturniore conſtantia dimicaſſet.
 Cæterum Sfortiam fruſtra reuocantem ſuos, ut in prælium
 redirent, letale uulnus cervice acceptum tardauit, amiſſis ſub
 inde mille & ſeptingentis equitibus. In hiſ capti ſunt qua-
 draginta octo Præfecti, & Centuriones, uirtute uero ma-
 ximè illuſtres, Foſchinus ſororis filius, Acactabriga, Man-
 nuſq; Bariles, quos Braccius in Veſentinam, Martanamque
 inſulas cuſtodiendos miſit.

De clade ad Cryptam accepta.

Cap. XXXIII.

Utur ſibi iniurias à Sergiano ſibi illatas, qui
 u diu uenena, & ſicas fruſtra pertentarat,
 ſtruxeratq; dudum inſidias ad Sarni pon-
 tem, armato exercitu, Neapolim intrauit, inclamantibus Sfor-
 tianis Reginæ nomen: Sergianum uero ad necem depoſcenti-
 bus; qui impotenti ſuperbia, malignitateq; diuina, ac huma-
 na iura conturbaret. Fauebat Sfortiæ nobilitas omnis, cuius
 concuſſu, authore Francisco Morimino, porta intranti pate-

E ii

facta fuerat. At Sergianus tanto mictu consternatus, quod
uiribus esset impar, ad dolos se conuertit: emittiturque arce
Franciscus Vrsinus, autoritate insigni, qui Sfortiam adeat,
nomineque Reginae orct, ut ab armis discedat. Fore enim,
ut æquisimis conditionibus ea controuersia ad otium deduca-
tur: Non debere eum, quum priuatas iniurias ulcisci prope-
raret, publicarum rerum salutem in periculum deuocare, læ-
sa præsertim, & sugillata Reginae maiestate, quæ eundem
cum Sergiano, conturbationis, atque molestiæ casum subire
cogeretur. Ad ea Sfortia respondit: se, uti antea Reginae
nomen in omni fortuna spectata fide coluisset, ita & tum
eius causa iniurias omnes, & contumelias animo depositu-
rum, modo ipsa se traduci, & circumagi fallacissimis Ser-
giani artibus minime pateretur. Ita cōmeante sæpius Vrsi-
no, & res compositas simulante, & prædicante, ut cogen-
dis, instruendisque copijs spatium daretur, ad id Sfortia, po-
stulante Regina, adducitur, ut copias eductas urbe in subur-
bana Corregia transferret. Ea sunt contra Arcem nouam,
& ad subiecti litoris plagam hortorum amœnitate percele-
bre extenduntur. Per hunc modum tanto armorum impetu,
spe pacis ad otium compresso, quum Sfortia nihil omnino ti-
mendum putaret, spatiareturque inermis in litore, Vrsinus
magna armatorum coacta manu, improuisus erupit; in compo-
sitos adoritur; funditque tanta celeritate, ut Sfortia seminer-
mis inopinati periculi casum excipere cogeretur. Sfortiani
toto eo litore fugati ad Cryptam perfossi, à Cocceio Pausi-

lippi montis peruenere. Ibi aliquandiu Sfortia, globo facto, pugnam sustinuit: ipse que demum per Cryptam subsecutus, Casale Principis euasit, amissis quingentis equitibus. Sed demum refecto exercitu ab Aurilia familia Acerris receptus, tanta ui demum ad oppugnandam Neapolim est reuersus, ut Sergianus filios obsides dare, sarcire detrimentum ad Cryptam receptum, remissaque potentia parcem ferre cogeretur.

De infelici pugna ad Capuam. Cap. XXXIII.

Braccio quoque tumultuaria pugna superatus, ad sanctæ Mariæ Burgum, quo in loco ueterem Capuam fuisse constat, sexcentos amplius equites amisit, adeo, ut à Braccianis, Acatabriga, atq; Iannucio captis, Tartalia primum, & ipse demum Sfortia ad Auerfam usque pellerentur. Occultarat enim Braccius aliquot turmas prædensa in sylua, quæ ad Siliceum Glanij pontem, Atellanamque uiam pertinebat: quarum eruptione, quum in transuersos impetum fecissent, primæ pugnantium alæ à reliquis interclusæ, profligatæq; sunt. Caterum Braccius, ubi Capuam est reuersus, de Iannucio uiro fortissimo supplicium sumpsit, quod paucis ante annis ab ipsius castris, exacto stipendio, sed nequaquam impetrata missione discessisset.

Quoties prælio, & insidiis sit captus. Cap. XXXV.

Emel omnino manu hostium, bis inimicorum
s fraude captus est. Cæterum adeò felici sor
te, ut è calamitate, seipso semper maior, &
clarior euaserit. Siquidem præter honores, & opes, quas
obiter ab innocentia, præclarâ que uirtute affluenter est conse
cutus, etiam illi (quod in summa totius uitæ iucundissimum
uidetur) opportune, atq; feliciter euenit, ut inimici eius serè
omnes, admirabili Deorum immortalium iudicio plecterentur.

De prælio ad Casalecium factio. Cap. XXXVI.

O insigni prælio, quo ad Bononiam, iuxta
e Rheni pontem Bernardonus uir Gallus
Pontificis, Florentinorumque, & Bononi
ensium imperator superatus, captusq; est ab Alberico, &
Vermio Ioannis Galcacij Ducibus, Sfortia & ipse in pote
statem hostium deuenit. In eum enim constantissime dimi
cantem, & deserente locum Tartalia, à latere præsidio nu
datum, Facinius Canis Dux acerrimus, cum densata ala Ca
taphractorum equitum irrupit, adeò uehementi, improvisoq;
impetu, ut multis prostratis, & ipse Sfortia equo per ar
mos hasta perfosso deturbaretur, superincidentibusq; uictis
simul, atque uictoribus, planè oppressus summum uitæ peri
culum adiret. Vbi uero Alberici beneficio castris hostium
se explicuit, ingenti animo gregarios milites, qui exuti ar
mis, & equis, more militiæ, dimittebantur, cohortatus est, ut
bene sperarent, & se Duce Florentiam uenirent. Fore

enim, ut accepta incommoda Senatus liberalitate, & cura sarcirentur. Ita ipse pedes Apenninum transgressus, portæ urbis applicans, uti erat pulcherrimus, recta in Curiam contendit, trecentos amplius viros fortes adducens: Patres conscripti, inquit, nos uestri milites, uti oportuit, pro dignitate uestra, & militari laude impigrè pugnauius: fortuna autem quod uoluit, & potuit, insolenter effecit. Cæterum si digni sumus, qui uestra benignitate, armis, & equis instruamur, dabimus enixe operam, ut uos iudicii uestri minimè pœniteat, & nos uberiore stipendio digni uideamur. Placuit Senatui in eo publico omnium dolore generosi, infractisq; animi uigor: extemploque Sfortia, accepta largè pecunia, & resectis turmis, duplicatam numero equitum præfecturam obtinuit.

Quomodo ex insidiis sit captus.

Cap. XXXVII.

Alignitate porro, & parum uirili insidiarum genere Pandulphi Alopì circūuentus, & in Arce noua Neapoli custodiæ traditus per quatuor menses nihil mitius expectauit, quàm, ut à carnifice conficeretur. Id enim unum ab improbis, ac imbellibus, quibus ex ignobili metu inhumana crudelitas inesse soleret, omnino timendum arbitrabatur. Quandoquidem illi naturæ uitio, viros fortes, & illustres, infortesq; præsertim non capere, aut forte captos, non temere unquam dimittere, ueluti exacerbatis iniuria eorum animis consueffent. Erat Alopus

natalibus clarus, sed decore formæ, & morum illecebris maximè insignis, quibus Reginam, fracto pudore, insanientem ad amorem pellexerat. Ea enim, uti iam pridem uidua, sublato scilicet marito, qui erat ex Austria domo, Norici Regulus, ac demum orbata fratre Rege Ladislao, apertius, atque liberius, uti libido extimularct, amoribus uacabat: adeo, ut Alopum ararum præfectura ornatum, ueluti consortem imperij, & rerum omnium arbitrum, Neapolitani Græcorum more, in adulationem promptissimi Regijs honoribus percolerent. Is diffusus summo gratiæ loco, qui tum maxime lubricus uidetur, quum ad fastigium propius accedit, Sfortiam tanquam riualem suspectare cœperat, Regina scilicet, ubi à grauisimarum rerum consultationibus discederetur, familiarius, ac blandius cum Sfortia iocos miscente. Tanta enim erat in eo uiro staturæ dignitas, & frontis honos, & in sermone alacritas militaris, ut Reginæ animum ingenitæ libidini semper obtemperantem, facile occupare posse uideretur: Vt inde, qui, & gloria sua, & militum populi tantus erat, ualidissimo gratiæ nexu confirmatus, ut summi Ducis, & denique Regis nomen usurparet. Itaque luore, atque perfidia Pandolphi, Sfortia nouo calumniarum genere oneratur, subornatis, qui dicerent, non incerta fama circumferri, Sfortiam ante omnes delectum esse, cui Regina nuberet, martirisque iam nuptijs fore, ut Rex intra paucos dies appellaretur. Per hunc modum nihil tale suspectans Sfortia, ex cœnaculo in cubiculum ductus, atque inde custodiæ traditus

est. Sed in eum nihil durius, & atrocius statuente Regina, nec obsistente tamen impotenti amatoris cœpto, planè accidit, ut nemo è tantis copijs, totq; præfectis, uti sperarat Alopus, à Sfortia deficeret: Sed in unum Sfortiani omnes, Laurentio Duce, ad urbem Clusium cogrentur: peruasuri infestis armis usque Neapolim, ut Ducis iniurias uindicarent. Peropportune quoque sub id tempus allatum est, Iulium Cæsarem è familia Capuana, Capuam, unde erat oriundus, occupasse: Christophorum item Cactanum defecisse à Regina, & Iacobum Candolam, qui Dux bello clarus erat, Aquilanos ad defectionem impulisse. Qua rerum necessitate adductus Alopus, quum nemo esset, qui ipso Sfortia melius, atque præsentius Reginam tutari, rebellantesq; compefcere, & persequi armis posset: Sfortia cum multo uerborum honore custodia educitur: datisq; obsidibus, & accepta ingenti pecunia, gerendi belli cura ei protinus demandatur, ea conditione, ut Catellam Alopi sororem, matrimonio sibi adiungeret: qua affinitate cum Alopo sincera fide in gratiam redijisse testaretur. Obsidum Princeps fuit Franciscus filius, qui postea uirtute animi, & felicitate rerum gestarum, omnes eius ætatis Duces antecessit.

Quomodo ad Beneuentum sit captus.

Cap. XXXVIII.

p Aribus quoque insidijs, sed multò acerbiorè periculo, & calamitate maximè diuturna, iterum in carcerem est coniectus. Nupserat

F

Regina Iacobo Martiæ Comiti uiro, è Narbonensi Gallia,
Regijs natalibus orto, nulla honestiore de causa, quàm, ut im-
pudiciæ probra accepti coniugis imagine tegerentur: cæte-
rum ea conditione, ut is Regio nomine penitus abstineret, &
Tarentinus tantum Princeps appellaretur. Miserat Regi-
na, qui cum è Manfredonia Neapolim uenientem exciperent:
ipsum ante alios Sfortiam, qui Magisterij equitum honore
longè amplissimo cæteros anteibat, & cum eo Perctum Al-
lobrogem, Regiæ Aulæ Præfectum, Troiæ Comitem, atque
item Iulium Cæsarem Capuanum, cum Fabritio fratre, &
Cecholinum Perusinum, alas equitum ductantem, homines
gloriæ, ac amplitudini Sfortiæ plurimum inuidentes. Hos
diserte etiam, atque etiam Regina monuerat, præceperatq;
ut Iacobum non alio, quàm Principis nomine saluarent. Ve-
rum, ubi in conspectum est deuentum, solus Sfortia, cæteris
omnibus, magno astu, & repentina perfidia in adulationem
procumbentibus, Regiæ mandatis paruît: neque uel præ-
senti exemplo adduci potuit, ut eo scelere Reginam offende-
ret, ac officij, pariter & libertatis oblitus impudenter as-
sentaretur. Ita, uti coniurarent ueteres Sfortiæ hostes, Iaco-
bum adeunt, in Sfortiam, falsis uera miscantibus, peracerbe,
& grauius inuehuntur: adduntq; magnis pollicitationibus,
si animum Regio nomine dignum cæptis afferre uelit, se o-
mnes strenue operam nauaturos, ut ei certissimo Procerum
studio, & secundissima Populi uoluntate, nec demum suc-
censcente Regina, Regiæ dignitatis corona deferretur. Sed

ante omnia, Reginam duobus impotentibus mæchis, atque la-
 tronibus omnino liberandam uideri, qui Regnum pro libidi-
 ne lacerandum, euasandumq; subacta pessimis artibus Re-
 gina, arroganter occupassent. Hos esse & Alopum &
 Sfortiam: Sed illum postea Neapoli facile tolli posse, se
 præsentem Sfortiam celeriter oppresissent. In hunc mo-
 dum inita conspiratione, per assuctos cæcibus satellites, quo-
 rum Sclauettus ex Illyrico Princeps erat, eum in itinere con-
 fodere statuerunt: quum in uado Caloris amnis incautus,
 & à suis disiunctus facile confici posse uideretur. Sed
 percussoribus demum ad patranda tantum uiri cædem ani-
 mus defuit, quum insidentem militari equo, cui à sefforis fi-
 ducia, Sperantio nomen erat, quadratoque suorum agmine,
 & minaci uultu amnem transgressum, formidassent. Cer-
 tis enim cōiecturis uir acutus clam ab se quædam imperari,
 agminaue componi animaduertat, notaratq; pallentia ora
 in quibusdam, qui atrocia, & periculosa suspensis animis
 agitare uidebantur. Sed nihil adeò sæuum aduersum se pa-
 rari posse, uir adaperatus, & generosus ad animum admitte-
 bat, adeò, ut in Arcem Beneuentanam ad Iacobum ascendere
 non dubitaret. Ibi ex composito, quum Iulius Cæsar spur-
 cisimo ore, maledictis agendo perfidiæ crimen obieceret:
 contraque ipse succensus ira, & calumniæ indignitate per-
 motus, cum tanquam improbe mentientem in singulare certa-
 men militari prouocatione deuocaret: Spectante Iacobo, res
 eò deducta est, ut Perettus, & Cecbolinus, simulatione of-

117
ficiū altercantes dirimerent, comprehenso q̄ in diuersa cubi-
cula diducerent. Sed Iulius statim est dimissus, Sfortiæ au-
tem manicæ ferreæ statim iniectæ. Nec mora, magno con-
curſu factō, Sfortiæ domus diripitur, equites uertuntur in
prædam, captiꝫ tres liberi eius, et propinqui ferme omnes
custodiæ traduntur, uno excepto Sanctoparente, qui initio tu-
multus talia suspectans, atque opportune diuinans feliciter
effugit.

Quo Iacobus ex Principe Rex sit appellatus, et Sfortia seruatus. C. XXXIX

Apto Sfortia Iacobus Neapolim uenit, pro-
c dente que nouam Arcem Auerſano Centu-
rione, cui à contrario euentu Seruatori nomen
erat, ea potitur, Paulum Vrsinum liberat, interfectoq; Pan-
dulpho Alopō, nuptiales mensas eius sanguine conspergit.
Nec multo post Reginam coniugalis quidem thori consor-
tem facit, Sed erepta totius Imperij potestate multis onera-
tam probris, et seuerè castigatam, ne diffugiat à Gallis cu-
stodiri iubet: Regios titulos ipse usurpat, et Gallis hono-
res, præfecturas, et Magistratus dilargitur. Interim Sfor-
tia deuectus in insulæ Megaris arcem, cui ab Ouo nomen
est, acerbissimis tormentis cruciandus Bernardo barbaro ho-
mini traditur: ut expressis tesseris quæſtione, ea oppida re-
ciperent, quæ Sfortianorum imperio tenebantur. Nec supre-
ma tamen uis, uti antea decreuerant, uitæ eius offertur. Tot
enim acerrimos Duces, propinquos eius, tantasq; copias ucte

ranorum militum, amore, & studio incredibili, multisq; beneficijs, & diuturna consuetudine Sfortiano nomini addictas formidabant: Vtpote qui eius rei periculum, superiore anno improspere factum fuisse meminerant. Porro Sfortiani milites fuga ad Petræfixæ oppidum in Samnio coeunt, Michæletus, & Laurentius Attenduli, & Sancto parens infesta populatione in suburbanas usq; villas, portasq; Neapolini deferuntur. Ob id Iacobus copias conscribere cogitur, quibus Iulius Cæsar, & Ceccholinus hostem reprimant, & Tricaricum urbem expugnent, quam Ladislaus Francisco Sfortiæ filio, præclara pueri indole adductus, dono dederat, Erant in præsidio Michæletus ipse, & Michelinus Rabinianus, cui Margarita Sfortiæ soror, Foschini, & Marci Attendulorum mater, defuncto priore marito, denupserrat. Ii de Sfortiæ salute solliciti, opportune de inducijs, compositione que agere cœperant, factâque potestate impune comcandi e castris hostium, summæ nobilitatis homines Tricaricum uenerant, Antonellus Pudericus, Ruffus Caietanus, & Angelus Vellianus nouæ Arcis præfectus. In hos Margarita fraternæ uirtutis æmula, arrepto uenabulo loricata impetum fecit, comminata que accerbissimum mortis genus, ni fratrem incolumen sibi redderent, legitimo iure captos comprehendit. Quando ab ipsa, quæ Tricarici imperio, & ditione potiretur, nequaquam autem à Michæleto, Michelinoque, quibus nullum in ea urbe ius esset, fides petenda fuisset. Id uirile facinus haud dubi-

am Sfortiæ necem auertit. Exemplò enim à legatorum pro-
pinquis, concursu ad Regem factò, facile impetratum est, ut
Sfortiæ parceretur.

Quibus conditionibus Sfortia necem effugerit. Cap. XL.

Is autem conditionibus inter Sfortianos, &
h Regios, res compositæ sunt, ut tradito Trica-
rico, et remissis legatis, Sfortiæ liberi, et pro-
pinqui omnes, ac milites dimitterentur, præter Franciscum,
qui ad solatium præteritæ calamitatis in liberiore iam, huma-
nioriæque custodia cum patre relinquebatur: Laurentius aut
& Sætoparens, mille equitum stipendia sub Rege mere-
rent: Michaletus quoque, uti luberet, cum Leone, Ioanne,
Alexandròque Sfortiæ liberis in Hetruriam proficisceretur
iureiurandòque Rex promitteret, nihil se postea Sfortiæ no-
citurum: Margaritæ item potestas esset, ubi uellet Neapoli-
tano in Regno considerare: Idemque liceret Catellæ Sfortiæ
uxori, quæ in tanto rerum tumultu ad sacratas uirgines in
templum Diuæ Claræ cum Lisa priuigna confugisset. Mi-
chaleto quoque concessum est, ut quoties uellet, Sfortiam in-
uiseret, alloquereturque sine arbitris: Isque demum approban-
te, adhortanteque Sfortia, ad Braccium, ueluti ad ueterem
amicum, tuentemque Sfortiæ oppida in Hetruscis cum sex-
centis equitibus contendit.

De supplicio Cæsaris, & Sfortiæ Felicitate. Cap. XLI.

Acato Regno à Sfortianorum incurſionibus
 p Iacobus nihilofecius Reginam in custodia cō
 tinebat, abutebaturq; imperio adeò inſolenter
 ut ſolis Gallis cunēta deferret. Italicos uero homines uſq;
 ad faſtidium omnino reiceret, atq; contemneret: Et deniq;
 illuſtrium amicorum obliuiſceretur, qui cum ſummo ſcelere,
 atq; periculo ei Regium nomen aſſeruiſſent, Hac indigni-
 tate permotus Iulius Cæſar ingenio ſuperbo, atq; præcipi-
 ti, ulciſcende cum publicæ, tum priuatæ contumeliæ cōſilium
 deſumpſit. Repulſam enim ter tulerat, quum in locum Alo-
 pi ſupplicio affecti, aut captiui Sfortiæ, aut deniq; Peretti
 paulò ante defuncti, ſuffici cupiuiſſet: præoccupantibus cū
 cēta Gallis, qui ampliſſimos honores ſibi deberi exiſtimabāt.
 Ii ſunt ordine Magiſter equitum, Regiæ aulæ præſectus,
 atq; item Præſectus ærarij, qui hodie nouitio uocabulo, Co-
 meſtabilis, Senefcalcus, Et Camerlingus appellantur. Igi-
 tur Iulius Cæſar letali bile percitus, Reginam ſecreto adit,
 ipſius iniuriam, Et communes omnium miſerias deflet:
 quibus ſe præbuiſſe initium fatetur: Sed accepta fide ſerio
 promittit, tam forti animo, quàm antea incauto his rebus om-
 nibus finem allaturum: modò ipſa dignum Regio ſanguine,
 Et præſenti fortuna conſilium ſyncera fide ad animum
 tranſmittat. Confoſſurum enim ſua manu pſeudoregem pol-
 licetur, ut Reginam ſimul, et patriam à barbarorum tyran-
 nide liberet. Tum uero Regina gratias agens excuſſis la-
 chrymis, Et præbita dextra, fidem dedit, ſc immortalis be-

neficio obstrictam fore. Si id, quod egregio uoto conciperet,
& à Dijs immortalibus, & à fortuna probaretur: cæte-
rum in id facinus animum pararet, & ad se triduo reuer-
teretur, ut cuncta aptius, uti opus foret, constitui, atq; instrui
possent. At sæua mulier, nec oblita recentis iniuriæ, quod au-
thore Iulio Cæsare, & necatum Alopum, cuius memoriam
occultis fletibus assidue percolebat, & Sfortiam tutorem
Regni, defensoremque Regiæ dignitatis, tormentis excrucia-
tum, ipsamque Regio fastigio deiectam, in custodia barbaris
traditam, obliuisci non poterat, animum ad uindictam, atque
perfidiam reuoluit, detulitq; cuncta ordine ad maritum, ut in-
corrupti amoris, & propensissimæ uoluntatis fidem, ani-
mo eius insereret, & geminata demum proditione, utrunq;
disparibus insidijs aggrediretur. Iacobus ea nouitate peri-
culi exterritus, nec planè mulieris inditio fidem præbens,
ubi compositis insidijs in Reginæ cubiculo Iulium Cæsarem
eadem de patranda cæde promittentem, conopeo tectus au-
diit, prosilientibus armatis ex:emplo Cæsar est comprehen-
sus, & in foro, quum securi percuteretur, demum dignas
instabili, & turbido ingenio pœnas persoluit. Per hunc mo-
dum Iacobus adeò insigni uxoris officio deuictus, familiari-
us, atque frequentius Reginam adibat, permittebatq; ut soli-
to liberius, & sine custodibus tota arce uagaretur.

De Regina capto Rege liberata.

Cap. XLII.

Cæs

AEso Iulio Cæsare, & ob id facinus Regi
 na in coniugalem thorum, communesq; epu-
 las recepta, Iacobus nequaquam omnem ani-
 mo suspicionem deterfisse uidebatur, quum spatianti Regi-
 næ arcis limine pedem efferre, aut nauicula deuehi non li-
 ceret. Itaque duo Neapolitani altitudine animi insignes, cri-
 picndæ, asserendæq; in libertatem Reginæ, ac expellendi
 Regis, negotium susceperunt, Othidus Caracciolus, qui inter
 optimates authoritate, & opibus præcellebat, & Anechi-
 nus Moriminus popularium Princeps. Discesserat oppor-
 tune per eos dies Lordinus Gallus, equitum Magister, cum
 copijs in Aquilanum agrum profectus: & festus dies pu-
 blico epulo, & chorearum ludis in theatro celebrabatur.
 Ad id, honoris causa, Gallorum procures inuitati: & quum
 nouæ nuptæ omnes, matronæq; nobilitate, & forma lectis-
 simæ ad eam celebritatem ducerentur, haud difficulter, sed
 magnis tamen precibus à Rege impetratum est, ut Regina
 iucundis huiusmodi, uoluptuarijsq; spectaculis interesset.

At postquam, inclinante in uesperam die, saltationi finis
 est impositus, Reginam ciuibus agentem gratias, & simu-
 lanter in arcem nouam redire parantem, à dextra, sinistrâq;
 Othinus, & Anechinus comprehendunt, stipatiq; ualida iu-
 uenum manu, eam in Capuanam arcem perducunt. Extem-
 plò Reginæ nomen inclamatur: inuaduntur Galli, totâque
 urbe fugati in arcem compelluntur. Rex ad inopinati
 periculi discrimen, metu consternatus, portas claudi iu-

bet. Neapolitani ex aduerso circunvallare arcem, egressus obstruere, & latè obsidere Regem pergunt. Quibus rebus non modo dignitati, sed & saluti uehementer timens, nudatusq; omni militum præsidio, & consilij penitus inops, his conditionibus in deditionem est receptus, ut in posterum Regijs titulis abstineret, Tarentinus Princeps appellaretur: Gallos uero omnes, præter quadraginta, in Galliam remitteret: & Sfortia statim custodia emitteretur, redderenturq; ei, ui erepta oppida, renouatoq; ueteri honore, Magister equitum crearetur.

De iniurijs eius Deorum iudicio uindictis.

Cap. XLIII.

h Aud dubie concessu, & munere Deorum, ea, quæ longè omnium honestissima, maximaque uidetur, per omnem ætatem uoluptate potitus est, ut insignes iniurias suas ab his plerunque, qui erant inimicissimi, uindictas conspiceret. Facile enim accidebat, ut hominem multo candore, fide, probitateq; ingenij præditum, & nunquam per circuitus, atque fallacias, sed militari, ad apertaue uia ad uerum decus properantem, ij maxime ex insidijs peterent, qui imbelles, malis artibus, & perfidiosa simulatione in aula Principum ualerent, aut bellica uirtute ualde inferiores, in recessibus animi cæco liuore torquerentur. Sequentibus enim naturæ uitium merita poena non defuit, quæ nocentes, uel pede claudo, mature consequitur.

P Andulphum Alopum; cui Ioanna Regina eius amore perdita, ærarij præfecturam, ingentes opes, & totius Regni procuratorem detulerat: adeoque ei profligato pudore erat obnoxia, & ab imbelli, impudicoque iuvene, ipsum Sfortiam uirum fortissimum, in fontemque carcere includi pateretur; securi percussus, triduoque in sepultum Neapolitani in foro spectarunt, quum Iacobus Rex, qui tum & Sfortiam in custodia seruabat, ipsum Alopum in Reginae stratis occultatum, deprehensumque cepisset.

i Vlio Cæsari Capuano, Peretto Troia Comiti, & Cæholino Perusino par uitæ exitus fuit. Hi enim uirtuti, atque amplitudini Sfortia inuidentes, nihil tale suspicantem Beneuenti comprehenderant: quum etiam cum biduo ante, summissis percussoribus, interficere cogitassent. Horum igitur malignitate, atque perfidia captus Sfortia, & crudelitate Regis in quaestione tortus, priusquam è carcere mitteretur, audiit, Iulium Cæsarem ab ipso Rege, digno perfidia eius supplicio publice necatum: Perettum uero idem expectantem acerbissimo intestini dolore, incertum an ueneno sublatum. Nec multò post Braccius in Asisiatum campis, memorabili pugna superatos Carolum Malatestam, & Cæholinum uiuos cepit: Re

cuperata ex ea uictoria urbe Perusia, Carolum tanquam hostem, ingenti pecunia redimi permisit: Cecbolinum autem uti inimicum, & aduersarum partium acerrimum Ducem in carcere necauit.

De calamitate Iacobi Regis.

Cap. XLVI.

i Pse quoque Iacobus, qui Reginam uxorem, in captiuæ morem, Gallorum custodia sepe rat, infaustoque Iulij Cæsaris, & Cecbolini studio Rex fuerat appellatus, uix undecim mensibus regnauit. Nobilissimorum enim ciuium conspiratione in potestatem Reginæ redactus, cum superbiæ, & crudelitatis exitum tulit, ut talionis pœnam subiret. Sed demum impetrante Martino Pontifice, quum liberiore custodia seruaretur, nauigio repente conscenso, Tarentum profugit: sed eo fortunæ euentu, ut inde oppugnatus à fœmina Maria Bauicia Ladislai Regis uxore fœdisime pelleretur. Sensit & demum uel Italia pulsus, infestos Deos, rabidissimis uentis in Cephaleniam insulam raptus, & longo tandem, uarioque errore delatus in Galliam. Desperatis nanque rebus, ut ignominiam, & calamitatem, religionis uoto contegeret, sacri habitus cucullam sumpsit: atque ita uir scuitia, & fastu intolerandus, inter Sacerdotes in obscuro uitam finivit.

De Sergiano Magno Senescalco trucidato.

Cap. XLVII.

Vit etiam perpetuò infestus Sfortia^e Sergia-
f nus Caracciolus, qui à Regina in delitijs ha-
 bitus ad id gratia^e, potentia^eq^{ue} fastigium per-
 uenerat, ut Alphonso Regi in filium adoptato, autoritate,
 ac opibus æquaretur. Hunc à Rege captum, qui Regina^e
 matris nomen tantis impudicitia^e probris liberare contende-
 bat, Sfortia redemerat: ita, ut in eius gratiam, cupiente præ-
 sertim, expetente^e que Regina, illustres duodecim Catalanos,
 quos, profligato Rege, ceperat, graui admodum permutatio-
 ne dimiserit. Sed tanto etiam obstrictus beneficio, in poste-
 rum nihil ab ingenio suo discescit, quin pessimis artibus, ho-
 stilia, & maxime atrocia in Sfortiam moliretur. Hunc ad
 extremum uiri illustres, qui tale monstrum ferre non pote-
 rant, ut Regina^e pudori consulerent, pernoctantem in arce
 Capuana, euocatumque cubiculo trucidarunt. Iacuit & se-
 miniuum cadauer in uia publica tanto fortuna^e ludibrio, ut
 Regina nullam uocem emitteret: propinqui tanti uiri caedem
 uindicandam non susciperent: Magistratus autem id faci-
 nus miro silentio transmitteret.

De Nicolai Vrsini fœda morte.

Cap. XLVIII.

Icolaus etiã Vrsinus Bartholdi filius, à quo
n Viterbiensi acie Sfortiam desertum, prodi-
 tumque memorauimus, uti Braccius ipse ali-
 quot post annos ad Gaianellum in colloquio sincere testatus
 est, eius facinoris pœnas ignobili morte persoluit. Quum

enim apud Suanani oppidum Senensis agri, suæ ditionis, im-
potenter agrestium fœminarum pudicitiam expugnare per-
geret, concur su unius familiæ, quæ in tyrannum coniurata
uenabulo, & irati quidem aratoris manu, crudelissime con-
fossus interijt.

De Paulo Vrsino Braccii insidiis interfesso. Cap. XLIX.

U^m Paulo etiam Vrsino insigni Duce, dila-
cerata uetere amicitia, simultates adeo uehe-
menter exercuit, ut ex militari prouocatione
usque ad singulare certamen, iram, atque odium efferrent.
Sed id facinus auertit Ioannes Pontifex Balthasar olim Cos-
sa, quem tum primum è Bononia Romam petentem Sfortia
eius militiæ ascriptus deduxerat, ostentaratq; in ea pompa
per mediam urbem ornatisimas alas, & ueteranas aliquot
cohortes, inuidente Paulo, qui clientelis, & Vrsinæ factio-
nis uiribus pollens, neminem potentia, & dignitate parem
pati, & prorsus Romæ solus regnare cupiebat. Erat enim
bello acer, uerum ambitiosus, impotens, cruentus, & ab inge-
nij mobilitate, crebris, fœdisq; transfugijs infamis. Itaque,
quum Sfortiam extimulatum uarijs iniurijs ab amicitia Pon-
tificis diuellere, urbemque detrudere pergeret, quod eo expul-
so, nemo esset reliquus, qui licentiam, audaciamque ipsius fre-
nare posse uideretur: Id aperte molitus est, ut Sfortia de sa-
lute sollicitus, ut ac iniurijs compulsus urbe excederet, &
in Algido castrametaretur: Nec, ut redirect adduci potuit:

quanquam Pontifex, misso ad eum Sancti Angeli Cardinale uctere eius amico, communi nomine pro Paulo fidem interponeret. Respondit enim, se eius hominis temeritati salutem minime commissurum, qui antea in conspectu Gregorij Pontificis manu sua Mostardum clarissimum Ducem confodere non dubitasset, & ab eius inusitati facinoris impunitate animum minoribus postea cædibus efferatum ad terrendos homines ostentaret. Inde Sfortia Ladislao Regi se coniunxit: ad quem non multò post, & ipse Paulus est profectus, prodita urbe Roma, quam paulò ante cum insigni laude defenderat. Sed eum demum Vmbrico bello proditoris accusatum, & Neapoli ad supplicium in custodia seruatum, Ladislaus immatura morte sublatus, periculo exoluit. Sed, ut meritas, & fatales pœnas subiret, fortuna demum coepit illum carcere eduxit, ut Braccio obijceret, qui, dum Sfortia in cathenis teneretur, cum ad Collem Floridum extra portam oppidi spatiantem nactus, Tartalia, & Ludomico Columna operam nauantibus, interfecit. Eo cædis nuntio erectum in spem libertatis Sfortiam, sublata uoce dixisse, ferunt: Ergo & mihi infonti Dî immortalis mature catenas soluent, qui uti æquisimi iudices, impio, ac omnium deterimo dignum uitæ exitum celeriter attulerunt.

De Armarerii proditoris supplicio. Cap. I.

a Armarerium quoque Asculanum, cui ut equitum turmam, & cohortes peditum simul

ductaret, contra uetus institutum indulserat, unum omnino ē
tantis copijs, & beneficij oblitum, & summa cum perfidia
alienatum sensit. Hic enim duce Neapoli custodiæ tradito,
urbem Orbitum naturali munitione inexpugnabilem, quum
fidem cum fortuna mutasset, Braccio uenalem proposuit, &
prodidit. Nec diu Armalerius auro illo flagitiose quæsito
potitus est. Hostilia enim molitum, accumulataque perfi-
dia, nouæ proditiōis consilia, fallaci ingenio uersantem, Vi-
tellius Patriarcha Cornectanus laqueo necari iussit.

De infelicitate Braccianarum partium, & Sfortianarum
prospero successu. Cap. LI.

Ac quoque Deorum immortalium censura,
h id etiam in cumulo felicitatis accessit, quod ni-
hil, uel eo uita functo, iustæ ultionis uidetur
esse prætermisum. Quandoquidem Franciscus filius ita
patris uirtutem, & opes, & studia militum excepit, ut non
multo post, Braccium, atque item continenter eius partium
Duces non uno in prælio prosterneret. Non multis enim
inde annis, cum Nicolai Picinnini opes, tum filiorum eius co-
natus, uirtutis æmulatione certantium, magnitudine, & feli-
citate rerum gestarum usque adeo fregit, atque deleuit, ut ne-
mo Braccianæ sobolis hæres, qui dignitatem originis, & se-
nescantis famæ nomen sustineret, facile reperiretur.

De uulnere ad Viterbium accepto. Cap. LII.

Viterbiensi

Iterbiensi in pugna grauisimum ex obli-
 quo uulnus ceruice excepit : quum ei Bran-
 dolinus Comes uehementi incurſu, dilorica-
 ta caſſide, in iugulum uſque haſtæ cuspideſ adegiffet. Ne-
 que prius, uel multo manante ſanguine, reduci e pugna po-
 tuit, quàm à Sancto parente irato ſimul, & reclamante, cor-
 reptis equiſ habenis, retro uerteretur. Adcò enim ira, dolo-
 réq; incenſus erat, ut uindictæ cupidus, in ſana quadam teme-
 ritate cum paucis ſæpius in medios hoſtes procurrere, per-
 uaderéque uſque ad media ſigna non dubitaret.

De periculo eius in expugnatione Capitonis. Cap. LIII.

Adem penè animi peruiſacia, quum ulturus
 iniurias, Braccium Martini auſpicjs in Vm-
 bria perſequeretur, in expugnatione Capito-
 nis oppidi extremum uitæ periculum acçit. Defendebatur
 acerrimè oppidum à Braccianis, adcò, ut Sfortiani, quater re-
 dintegrata pugna, & irritò ſemper conatu, multis acceptis
 uulneribus, ſegnius murum ſubirent. Id dedecus, ſe præſen-
 te, admitti, elato indignantéque animo, minime ferens, com-
 prehenſam ſua manu ſcalam mœnibus admoſuit, & ſubiit.

Nec deſuere hoſtes, quin in eum accendentem forti exem-
 plo milites, ingentia trabium pondera, molaresq; lapides pro-
 uoluerent, ita, ut comminutis ſcalis, terribili ſtrage in præ-
 ceptis dati, tota foſſa ſternerentur. Decidit Sfortia è ſum-
 mo ferè muro deturbatus, adcò, ut multis fomentis, nix poſt

H

horæ spatium ad uitam sit reuocatus. Eo tamen casu, nequaquam intermissa pugna, recrudit, inusitatæque ardore Sfortianorum militum, corona muri occupata, oppidum est direptum, & Bracciani Duces capti, ipso prope spectante Braccio, qui laturus opem cum magnis copijs aduentabat.

Inter captiuos fuere clarissimi postea Duces, Comes ipse Brandolinus, cuius manu Sfortiam ad Viterbium uulneratum fuisse meminimus, & Cattamellata Narniensis, cuius hodie ænea equestris statua Patavij à Senatu Veneto posita conspicitur.

De uitæ discrimine in quo Romæ uersatus est.

Cap. LIIII

u Ersatus quoque est in longè maximo uitæ discrimine: quum media in urbe Roma, continuato per tres dies cruento certamine, pugnetur aduersus Vrsinos, contra urgentibus Columnis, atque Sabellis, quibus Sfortia Dux aderat. Non longè enim à Minervæ templo, quædatur ad Aemilianum arcum, è fenestra, ingenti saxo, brachium est ictus, adeò uehementi dolore, conuulsisq; nervis, obortaque oculis caligine, ut exanimatus ab equo prorueret, & à suis pariter, ac hostibus fœde proculcaretur. Sed uir nequaquam dolore uictus, in genu sese fortiter erexit, læuâque proximi equitis lora stapedis comprehendit: Is erat Laurentius eques Romanus, cognomento Surdus, qui claua ferrea obuios pertundens, ut opem ferret, proturbatis, disiectisq; hostibus, ad Sfortiam ferocem

equum adegerat, cohortans, & monens, ut galeæ bucculam eleuaret, raptariq; se equi uiribus pateretur: Atque ita correptus per bucculam, innixusq; stapedis loro, ægre pertrahente Surdo, in pacatum locum peruenit, magno prorsus miraculo seruatus, sanatusq;: Quandoquidem quadraginta amplius diebus, cum brachij, tum dextræ manus sensu, usq; caruerit.

De insidiis ad Calorem annem strenue uitatis. Cap. LV.

Er ex insidijs in summo uitæ discrimine uersatus est: Primo ad Calorem annæ, apud Beneuentum, pridie quàm à Iacobo Rege, & à coniuratis custodiæ traderetur. Profluentis enim uadum tentanti, disunctoq; à suis, ad id delecti equites, districtis repente gladijs, & adactis equis uim afferre decreuerant. Sed ille, quanquam nihil tale suspicaretur, quum sine consilio suo quædam turbatus, quàm pro pacati, & nihil hostile timentis agminis consuetudine, imperari, & circumagi uideret, tanto animi uigore sub uexillo agmen composuit, & galeatus ferocem equum, quo in prælijs uti erat solitus, conscendit, ut coniurati, subito pauore concepto, quominus tela expedirent, uel una terribilis, & parati eius facie terrerentur.

De insidiis ad Sarnum astu superatis. Cap. LVI.

§ Ergianus Caracciolus deformi postea uitæ exitu memorabilis, quum anxie riuales time-

H ii

rect, ob id q̄ Vrbanum Auriliam Reginae genio responden-
tem, specie honoris, legatum Constantiam ad Concilium able-
gasset, Sfortiam et ipsum eodem astu tollere conatus est: hoc
denuo à Regina impetrato, ut aduersus Sanseuerinae fami-
liae procures in Brutios mitteretur. Discesserant enim San-
seuerini à uetere officio, nec planè tamen rebellarent. Ob
id putarat Sergianus, Sfortiam aut minus feliciter Reginae
operam nauaturum, aut Sanseuerinos inexpiabili iniuria af-
fectos contractae affinitatis, ac amicitiae iura turbaturos. Sed
Sfortia auctoritate ingenti potius, quàm belli metu, sanatis
Sanseuerinorum mentibus, ita celeriter negotium confecit, ut
ei Sergianus regredienti, non uno in loco insidias pararet.

In Picentinis enim occupati calles, suppressi comestus, et
circa Salernum exciti agrestes, qui praecisis itineribus Sfor-
tianas turmas aggredierentur, praepositusq̄ denuo ad Scaf-
fatam ponti Sarni amnis Campanus Centurio, ut transun-
tem inuaderet, atque conficeret. Verum id rescivit Sfortia,
copijsq̄ ad Anchariam vicum subsistere iussis, obsoleta laci-
nia indutus, armatusq̄ tragula, et galeatus, stabulario simi-
lis percussores fefellit. Quum enim in equi clunibus, de mo-
re, mantica cum strigili gestaretur, et cribrum ab cyphippio
dependeret: quis cum tanti nominis Imperatorem putasset?

De periculo ad Caietam paruo casu facile superato. Cap. LVII.

p Aruo etiam temporis momento, et magno
quidem parentis fortunae beneficio, Al-

phonsi Regis insidias præuertit. Venerat ad Reginam Sfortia, quum illa, graui tum ad Neapolim autumnno, Caietam cum Sergiano secessisset, atque unà Rex Alphonsus in Formiano littore inter fontes, & Citriorum syluas, uitandi æstus causa uersaretur, ut cum ambobus, post reditas Accerras, de stipendijs, ac oppidorum possessione disputaret, inuasit repente Regis animum sæua libido, Sfortiæ tollendi.

Is enim unus erat, qui uirtute animi, & bellicis uiribus terribilis, offuturus esse uideretur, si ambizioso animo spes suas proferre, & aperte regnum inuadere uellet. Sed Sfortia magno, & planè Regio comitatu, multisq; fortibus alarum præfectis semper stipatus, nequaquam sine ancipiti periculo comprehendi posse uidebatur. Excogitauit itaque dolum Rex peracutus, trirememq; conscendit, inuitato Sfortia, ut honoris causa secum, legato Pontificio obuiam uenire minime grauaretur. Is erat Fonscca Cardinalis, qui ad eum à Martino mittebatur. Nec dubitauit Sfortia, quin pariter conscenderet, nihil de Catalanorum perfidia suspicatus: utpotè qui, ad aperta ingenui animi fiducia, nihil sibi inforti timendum arbitraretur. Paratæ iam erant compedes, & laqueus more gentis, saccusq; quo inuolutus, profundo mergeretur: quum id promontorium, in quo mirabile Planci sepulchrum late conspicitur, transuēctis celerius opinione cœnium, è Syclunœano littore, legati triremis apparuit. Tum uero Alphonsus, qui tum in recessum extremæ puppis sceleris ministros euocat, animum à nefario consilio ad pristinam cœmitatem re-

uocauit: ne aduentantis sacrati uiri laticiam, & publici officij caeremonias, tanti facinoris atrocitate conturbaret. Ita Sfortia Deorum immortalium munere conseruatus ad suos redijt: quum cum Sfortiani omnes, tanquam fato functum, uerisimis lachrymis eluxissent.

De moderata liberalitate eius, & abstinentia, contemptuq; pecuniæ. Ca. LVIII.

N ex excenda uero liberalitate, qua una maxime uirtute, uel ingentia uitia occultari facile possunt, mediocritatem tenuit: uaria admodum fama, quum in erogando, distribuendoque, meditata, & promissa largitione uteretur: quasi Ducem ad gloriam, & ad magna imperia semper aspirantem pensitata ratione uti non deceret: quum militi præsertim improvisa, & festinata potior uideretur. Sed ille opes semper contempsit, adeò liberali iudicio, ut à signatæ pecuniæ nota oculos semper auerteret, uituperatis, qui diro eius conspectu, & uenena libidine gauderent. Sumptuarias rationes, censu oppidorum, & stipendijs æquabat: ne, ut ipse dicebat, temere decoqueret. Creditores raro contempsit, nunquam elusit: quoniam opum, & diuitiarum opinionem, fide potius, & incorrupta existimatione, quàm præfenti pecunia, constare iudicabat. Nemo enim ea tempestate, quum oporteret, opulentior, ac instructior fuit. Quandoquidem insigni studio mensariorum omnium exoneratus etiam grauib; impendijs iuuaretur. Ut tum accidit, ad Viterbium amisiss; supra mille

equitibus, ad pecuniæ inopiam redactis: quum è foro Romano, amici, atque beneuoli certatim sub una tantum syngrapha aureorum nummum triginta millia contulissent. Irridebat plerosque, & in hoc Braccium etiam ipsum, qui aliquando aliena rapere, prædariq; quàm æs alienum dissolucere mallet, ut ab extemporanea, & dissipata liberalitate militum animos sibi deuinciret. Præcipua enim cura ei semper fuit, paganos, & agricolas ab auaritia militum defendere: hospites tueri: licentiam militarem, in hybernis, & in agmine, indicta graui, ac inexorabili pœna, cohibere: ac demum deditis, conseruatisq; quàm expugnatis, atque delictis urbibus, lætari. Adeò, ut eum Braccius in colloquio ad Saccomaniam syluam, quod utrique supremum fuit, post multa de bellicis artibus grauisime disputata percunctaretur: Cur nam tantopere seueritatis, ac abstinentiæ laudem quærendam putaret: quando id prorsus à toto militaris consilij proposito alienum esse uideretur, Quòd promereri studia militum, uel cum iniuria generis humani oportere censeret: si ad ingentia imperia, & opes, uti ipsi ab humili fortunæ loco prosperè decreuissent, foret euolandum. Ad ea Sfortiam respondisse, ferunt: nihil esse gratius Dÿs immortalibus, æquitate, atque iustitia: qua una maxime, quæ sita bello opes, postis demum armis, cum insigni gloria firmarentur.

De duabus eius concubinis.
Cap. LIX.

¶ Vum Perusinis, apud quos Biordus, & Ce-
cholinus fratres, interfecto Pandulpho Ba-
leono nobilitatis Principe, popularium sta-
tum induxerant, stipendia mereret, in hybernâque concessis-
set ad Martianum oppidum, uirginem admodum nobilem
adamauit, Luciam Trezaniam, adeo, ut amatorijs obsequijs
& spe nuptiarum pellectam, iustæ uxoris loco haberet, &
coleret. Ab huius felici admodum fecunditate auctus est
fortunata sobole maximorum Ducum, & Principum. Sed
eam aliquot post annos, uti iam planè impar, tantis scilicet
opibus partis ab illustri uirtute famam consecutus, Ludomi-
co Folianeo in matrimonium opulenta dote præbita colloca-
uit: quum paulò ante maximas spes parandi imperij ingenti
animo uersantem, ut uxorem opportunè duceret, tempo-
rum necessitas impulisset. Ex ea demum natus est Conra-
dus, qui Francisco Sfortiæ uterino fratri, pluribus in bellis
fortem, fidelemque operam nauauit. Subsequentibus uero an-
nis adamauit, & Tamiram uenustate admirabili, oriundam
è Calle Umbriæ oppido, iuxta uiam Flaminiam: è qua ad
Aguas Pendulas in Hetruria suauissimi oris filiam, nomine
Honestinam, suscepit.

De uxore eius Antonia Salimbenia.

Cap. LX.

i Ta uero nuptias appetiuit, ut nequaquam
sponte uxorium iugum subire uideretur:
quando liberis pro ea in qua tum erat, fortu-
na, abundè

na, abundè auctus, nihil magis cuperet, quàm certis, & legitimo iure quæsitis sedibus, uaga, & mercenaria arma ad tutos receptus alicubi confirmare. Ob id Antoniam Salimbeniam apud Senenses antiquissimæ stirpis uxorem duxit.

Ei maritus fuerat Franciscus Casalius Cortonæ Regulus, paulò ante coniuratione ciuium interfectus. Vnde illi ex mundo muliebri, pretiosa suppellex, & dotalia quatuor castella obuenere; Mons Iouis, cum Monte Nigro, atq; item Ripa, & Balneo Clusinis aquis propinquo. Accidit, & Clusium uetustissimæ claritatis urbem, Cœchus Salimbenius Antonia frater iam pridem Sena patria eiectus, uigente ibi popularium factione. Quum enim nouæ affinitatis præsidio, res suas, dignitatemque tueri, & confirmare percuperet, unum præcipue Sfortiam inter multos sororis procos, uti bellica uirtute insignem, opulentis, & imbellibus anteponendum censuerat. Quo consilio transtulit, & Clusij ditionem in ipsum Sfortiam, tabulis ritè confectis, ut Senensibus antiquo iure eam urbem, & agrum repetentibus, armatus, & acer defensor opponeretur. Ex hac Antonia unicus legitimæ prolis, ex nobili materno genere, puer susceptus est: quem Sfortia Bosium appellari iussit, ut Patruelis sui Bosij Attenduli fortissimi equitum præfecti: quem ad Spoletum amiserat, in domo sua memoriam renouaret.

Hic porrò Bosius uirtute animi, & rebus bellicis Francisco fratri penè par, priusquam ille regnum apud Insubres, aridente fortuna, uirtute, & armis compararet, uxorem du-

xit Chryscidem Aldobrandescam Sanctæ floræ Comitis fi-
liam, natalium claritudine, & dotis opulentia illustrem: Ut
potè quæ septem oppida non longè à Porfeno, de nomine à
Porfena Hetruscorum Rege condito, in hæreditatem trabe-
ret, & genus eius, Dantis Poetæ testimonio, in præaltam
Hetrusci, Regijq; sanguinis originem referretur. Itaque
quod in abauo nomen fuit, iure optimo in eius memoriam in
patre tuo Bosio repetitum uidimus. Tu uero quod in pro-
auo fuerat GVIDONIS nomen suscepisti, quod ille
ab auo materno Sanctæ floræ Comite pari, ac usitata ratio-
ne deduxerat. Auo autem tuo Federicus Feltrius Urbinas
Dux prælio inuictus, supra affinitatem in sacri fontis cære-
moniam uocatus, nomen suum indidit. Additum quoq; tibi
est Ascanij nomen, fatali quodam augurio, ut in te demum
amplissimi, & longè optimi Senatoris Cardinalis nomen,
& decus, ueluti rediuiua domus dignitate reflorescet: Et cò-
quidem nobilius, quoniam ille stirpe eadem, sed nequaquam
legitimo ortu cœpta, nomen deducebat: quum natales tui ab in-
corrupta maiorum serie, impolluta stemmata fateantur.

De secunda uxore Cathælla Alopa.

Cap. LXI.

Ccesisse autem ad secundas nuptias dira ne-
a cessitate coactum, constat, quum à Pandul-
pho Alopo Aerarij præfetto, inuidia uirtu-
tis eius, & obreſtatione crescentis apud Reginam gratiæ,
in carcerem esset coniectus. Neque enim aliter, uel pacare

Alopum, qui cuncta unus totius regni munia usurparat, aut denique Reginae uoluntatem à uindictæ suspicionē redimere potuit, quàm Catella Alopī sorore in matrimonium ducta. Siquidem Alopus præcellenti forma, cruditis munditijs, & latere demum infracto deuictam penitus, & in seruitutem (animo scilicet mulicbri, impotenti amore facile subactō) redactam nutibus regebat. Ea affinitas, maturatis nuptijs apparatusimè celebrata, Sfortiam haud dubiè à parato iam capitali supplicio seruatum in libertatem eduxit: leuauitq; item Alopī animum ingenti metu: quum meritas illatæ iniuriæ poenas, à uiro fortissimo, & tot militum gladijs instructo formidaret. Cæterum Catella nihil omnino à fratre, præter uenustatem ad maritum attulit, dote scilicet à Regina liberalissimè collata. Dotali siquidem iure quinque castella in Samnio in Sfortiæ ditionem uenerunt. Peperit Catella non toto uertente triennio, tres liberos, præmissa puella, quam nomine suo Regina, Ioannam uocauit: mares item duos, Leonardum scilicet. Id nomen in eius Diui honorem inditum fuisse constat: quoniam per quietem Diuum Leonardum ea specie, qua depingi in templis solet, sibi opem ferentem uidisset: quum & clatros ferreos fenestræ carceris disrumpere, & compedes soluere, præsentī numine uideretur. Impleuit autem somnii fidem, & numinis oraculum rei euentus. Nam eodem die lætam somnio noctem secuto, & Rex Iacobus imperium cum libertate amisit, & Sfortia, ad aperto carcere, ingenti omnium lætitia, iterum magister

equitum est renuntiatus. Sed Leonardo uix infantiā egres-
so uitam morbus eripuit. Et immatura quoque morte surre-
ptus est alter, cui Sfortia Bartholo nomen indiderat, in memo-
riam scilicet Bartholi fratris, & fortissimi commilitonis,
quem lue absumptum apud Perusiam iampridem amiserat.

De tertia uxore Maria Martiana.

Cap. LXII.

Ostremò Quinquagesimum aetatis annum
agens ultimas sibi nuptias ambitiose admo-
dum quæ fuit, assiduīs artibus, ac ingentibus
armorum officijs: petita, ductaque Maria Martiana Sueffa-
ni Reguli filia, quæ in Campania, & ad Fucinum lacum
multis oppidis imperabat. Nupserat hæc antea Ludouico
Secundo Andegauensi: cōq; ante nuptias celebratas uita fun-
cto, ad Celam Comitem secunda thori uota transtulerat.
Hic in Marsis, & Furconensibus multorum castellarum di-
tione præpotens, quum uita excederet, uxorem, testamen-
to, magnarum opum dominam reliquerat. Quamobrem, &
ipso Sfortia demum importuna ui facti surrepto, quartum si-
bi coniugem facile inuenit, Franciscum Vrsinum Manapelli
Comitem, qui bis, & diuersa quidem fortuna apud Neapo-
lim cum Sfortia collatis signis dimicarat. Natus est ex Ma-
ria Carolus, id nomen imponente Regina, in honorem scili-
cet Caroli Regis eius patris: qui magnis rebus in Italia ge-
stis, Pacificatoris cognomen adeptus, in Panonia demum con-
iuratione procerum inter epulas trucidatus est. Ceterum

Caroli nomen haud multum in puero permansit: nam atrabile diu uexante, attenuatisq; inde uiribus, uti cecurdis militiæ muneribus impar, pietatem uoto professus, sacratam cucullam desumpsit: atque ita abdicato priore nomine Gabriel est appellatus. Hunc postea Franciscus frater Galliaë Cisalpinæ imperio potitus, cœnobio eduxit, ut insigni dignitate ad familiæ decus ornaretur. Idq; facile à Pio Pontifice impetratum est. Nec multò post Mediolansis Archiepiscopus est effectus.

Deliberis eius ex Lucia Trezania. Cap. LIII.

Rimo partu ex Lucia Trezania puerum
 p suscepit, qui de patrui nomine Franciscus est appellatus. In hunc ab admirabili quodam syderum concursu, cuncta humanæ felicitatis ornamenta uirtus, & fortuna contulerunt. Natus est in Diui Miniati Hetruriæ oppido, iuxta Arnum, Pisana uia, Anno à partu Virginis uno, & quadringentesimo supra millesimum, decimo Calendas Augusti, quum sol occideret. Militabat tum Sfortia, alterum & tricesimum ætatis annum agens, Florentinis, qui Pisanis bellum intulerant. Secundo autem partu Elisam, in qua maternæ auiaë nomen repetitum uidemus.

At tertio partu alterna fœcunditate puer est editus, cui ab insignibus, Roberti Cæsaris munere, Patuinno bello acceptis, Leonis nomen impositum est. Peperit & mox Antoniam uenustate insigni. Caterum Leo ab ineunte ætate Fran

cisco fratri omnibus ferè bellis assiduus comes, eam in re bellica spectatis operibus laudem tulit, ut non magno intervallo, ad fraternæ uirtutis nomen accederet. Leoni biennio post successit, Ioannes nomen paterni aui deferens, ingenio, uiribus, & fortuna fratribus dissimilis. Sed eum secutus est, natus quartus, à Pontifice eius nomine Quinto, Alexander appellatus. Is tanto studio, tantæque ui præstantis animi arma tractauit, ut non modo Francisco fratri indomiti corporis, & pugnacis ingenij uigore, uerum & felicitate rerum gestarum æquaretur. Condidit enim sibi, filis que item, atque nepotibus Principatum apud Pisauenses, ut in Togata Gallia, non secus, ac in Cisalpina Franciscus frater, Sfortianæ domus stirpem insereret.

De affinitatibus summa prudentia contractis. Cap. LXIIII:

Leonato ex Sanseuerina familia nobilissimo,
l. atque fortissimo iuueni Elisam nuptui dedit,
ut generum armorum studio illustrem, potentemque, clientelis, & opibus apud Picentinos, & Brutios, certo ueluti præsidio, rebus suis adiutorem, defensoremque pararet, contra potentiam inimicorum, Sergianique præsertim, à quo se cuniculis, & machinis oppugnari, petique insidijs haud obscure intelligebat. Ex Elisa natus est Robertus ipse Sanseuerinus, præclarus Imperator, & maximis eius temporis Ducibus præferendus, nisi in extremo uitæ actu à Germanis ad Athesim, prælio fusus, ac interfectus superiorum

uictoriarum nomen obscurasset. Dedit & in matrimoni-
um Marino Caracciolo Sergiani germano fratri, Claram
Attendulam, Foschini, & Marci sororem (ea erat ipsius ex
sorore Margarita, neptis) procurante, cohortantē que Regi-
na, ut erumpentia, & iam coalita alternis offensionibus odia
tollerentur. Desponsauit demum Antoniam Arditioni, Ca-
rariensis Comitis filio, cuius ditionis erat urbs Asculum in
Apulia: ut patrem eius eximie authoritatis ducem, magnas
tum copias ductantem, in Reginae partes pertraheret: In
eo etiam Braccij hostis spem frustratus, Carariensem mul-
tis pollicitationibus sibi adiungere properantis. Polyxe-
nam quoque Ruffam, in Brutijs, dotali iure tres urbes, & ui-
ginti amplius castella in nuptias trahentem, ut Francisco fi-
lio collocaretur, à Regina feliciter impetrauit: sed infausto
demum successu, quum ab amita præferoci, scelestaque mu-
liere, & Polyxenam, & eius filiolum dudum infelici ute-
ro æditam, admisto dapibus ueneno, sublatas audisset. Cu-
rauit quoque, ut Polyxena Sanseuerina Michaleto Attendu-
lo, & Ioannella Iesualdia Dominico Bosij iungerentur: quan-
do eæ mulieres in Hirpinis inueterata imperij consuetudine
ingentes opes, tuendis Sfortianorum cœptis, allaturæ uideren-
tur. Nec alia quoque de causa Tartaliæ filiam, Ioanni fi-
lio desponsatam, intra Penates nurum recepit, quàm ut Brac-
cio Montonio, uetus sibi hostis, & accerrimus bellator detra-
beretur: utpotè, qui plerunque diceret, nihil commodius, ac
utilius uideri, quàm tribus propositis hostibus, cum primo

pacem pacisci: cum altero autem inducias parare, ut in tertium maximè expedita, & grauiora arma uerterentur.

De clementia, & seueritate erga suos. Cap. L X V.

Anta autem uarietate clementiam simul, &
t seueritatem exercuit, ut delicta familiarium, & militum, nunc puniendo atrociter, modo facile ignoscendo, neque huius, neque illius uirtutis constantem famam assequeretur. Sclauetto Dalmatæ insigni equitum præfecto, qui in gratiam Iulij Cæsaris, se primum è percussoribus in transitu Caloris amnis Sfortiæ latus mucrone petiturum pollicitus fuerat, adcoè genere se pepercit, ut captum ad Casam Marij, & iure belli armis, & equis dispoliatum, non modo (id improbatibus amicis) incolumem, uerum omnibus impedimentis, ne quid omnino desideraret, magna cura conquisitis, & restitutis, cumulate instructum dimiserit: perblanda, & nobili contentus interrogatione, quum ad eum dixisset: Quis nam furor inhumani, crudelisq; animi, Sclauette, alioqui uir fortissime, te impulit, ut nulla laces situs iniuria, adcoè prolixè promitteres, te gladium ex cæde mea cruentum ad Iacobum Regem omnino relaturum? Sed immanis uir, ad id tum oculis in terram defixis, non multò post apud Philippum Insubrum Principem, perfidiæ militaris crimine conuictus in furca pependit.

De Martino Pasolino conseruato. Cap. L X V I:

Eadem

e Adem animi magnitudine usus est erga Martinum Pasolinum aduersæ factionis Principem, cum quo multis utrinque cædibus æditis aliquot annos Attenduli intestino bello contenderant. Eum enim undique pulsum, infestâque Attendulorum arma fugientem, desperatis rebus ad Sfortiæ pedes procubuisse, salutem, ueniam, pacemque extemplo impetrasse constat: Et eò quidem maiore cum laude, quòd tum planè iuuenis, & uindictæ libidine uehementer exardens, ea odia, infesto semper animo, & cruentis manibus exerceret.

De clementia erga Bisium. Cap. LXVII.

b Isio quoque è Cotignola peditum præfecto, præter omnium opinionem, inexpressibilem iniuriam, & grauissimi delicti poenam remisit. Nam, quum Sfortia, spectantibus ex propinquo duobus Regibus, penè intra Carmelitanam portam ad Neapolim uictoria signa, perturbatis iam, fugatisque hostibus, intulisset, unius Bisij socordia, perfidiaque obstitit, quominus cum mulata uictoria potiretur. Iussus enim duabus ueteranis cohortibus intra hortorum macerias in insidijs considerare, & ad signum datum prorumpere, ut studio pugnae prouectos hostes intercluderet, neque designatum in locum peruenit, neque prius apparuit, quàm post trium horarum pugnam, receptui signum tuba datum audiuit. Ob id Sfortiam, irato animo, ea mediocri uictoria minime contentum, exclamasse rauco ore

K

plurimum ferunt, itidem sæpe repetentem: Bisi, scelestè desertor, redde mihi hostium Duces captos, atque intercepta eorum vexilla, quæ incredibilis ignavia pariter, atque perfidia tua dudum nobis è manibus eripuit. Cæterum cum ex conscientia animi, metu consternatum, & crimen ineptis uerborum ambagibus excusantem, ea lege castris excedere iussit, ut perpetua ignominia notato, acerbissimi supplicij pœna, si in conspectum castrorum unquam ueniret, indiceretur. Ea est æneo tormento includi, & succenso demum sulphureo puluere, per aëra discriptis artibus diffundi.

De inusitato pœnarum genere.

Cap. LXVIII.

Quitem Patauinum è turma Scorpionis à lu
co, qui Bononiensi medico in castris artem
proficienti, coccineam togam è tabernaculo,
dum alte ille sterneret, noctu rapuerat, eadem indutum toga,
sed uinctis manibus per forum, & stationes, & conturben
ia militum traduxit: Adco, ut ridente, & exhibitante toto
exercitu, ne reliquo ignominie dolori superesset, seipsum pu
gione transsoderet. Domitorem quoque equorum, magistrisq;
stabuli uicarium, patria Campanos, qui equis militaribus hor
deum subtrahere, idq; diuendere cœperant, deprehensos, alli
gari per pedes equorum caudis, incitatoque cursu per pra
ta, & sata raptari ad necem iussit. Equitem etiam è Fer
raria nobilem, qui contra edictum, uel sæpe admonitus, scor
tum adolescentis armigeri habitu, circumtusa cæsarie, habebat

in castris, pudenda ludibrii poena affecit, quum muliebri veste indutum, per castra armato in equo circumduci, ostentari iussisset.

De Gratiani supplicio. Cap. LXIX.

Vum Ioanna Regina Alphonfi Regis repentinis armis circumuenta, obsessaque in arce Capuana, cohortante demum, deducenteque Sfortia Auerfam se recepisset: Gratianum Fauentinum custodiæ arcis præposuit, commendante eius uirtutem, ac fidem Sfortia, qui illum magnis beneficijs, ac præfecturis ornatum ab humili militiæ loco ad primos honores extulerat.

Is beneficiorum oblitus, ut militare decus auaritiæ simul, atque perfidiæ scelere fœdaret, corrupentibus cum multo auro Catalanis, se proditurum arcem pepigit. Verum à Sanctoparente interceptis literis, & detecta perfidia, non dubitauit Sfortia, quin seuerissime in eum ageret, qui sacramenti religionem, & priuatæ fidem amicitiae, nefaria proditione uiolasset. Atq; ita cum apud Siliccum Glanij amnis pontem, Auerfana uia, præalta in arbore suspensum, agitantem uento, & uolucris carpendum reliquit.

De mansuetudine erga Brandolinum Comitem. Cap. LXX.

Non defuit in eo, qui in suos supra æquum seuerior habebatur, humanitatis, & candoris eximij laus erga hostes. Brandolinum Co-

mitem, cuius manu Viterbiensi in prælio sauciatus, & penè interfectus fuerat, expugnato Capitone oppido, captum, quum in eo tumultu inimicum pariter, ac hostem facile, & quidem procul ab inuidia tollere posset, adeò humaniter apud se habuit, ut ex conscientia magnopere sibi metuentem effuse laudaret in conuiuio, atque omni penitus metu liberaret. In hoc etiam gloriatus, quòd in tanta fortunæ iniquitate, neque à gregario, uel ignauo milite, sed à nobilissimo, atq; fortissimo Duce uulnus accepiisset. Erat Brandolinus Braccianæ factioni uehementer addictus: similemque animum Tibertus filius aduersus Sfortianos semper exercuit, ne à paterna disciplina discederet: Vnde illi demum fatale exitum. Francisco enim Mediolani ad Principatum tanta felicitate prouecto, quum Braccianas opes undique fractas, delectasq; conspiceret, sese turbido ingenio à uetere inuidia, odioq; ad perfidiam uertit. Atque ita deprehensus, & custodiæ traditus, ut imminenti supplicio se eriperet, præacuto ferreæ lucernæ manubrio, sibi inguli uenam perfodit, & interijt.

De inuidia ex nece Tartaliæ parit.

Cap. LXXI.

o Nerauit autem eum inuidia maxime ingenti, supplicium de Tartalia sumptum: quanquam ille meritis conceptæ perfidiæ pœnas luisset: q; nequaquam syncera fide ad amicitiam, affinitatemq; uocatum, circumuenisse diceretur, occultata scilicet in id tempus, & mox detecta naturæ malignitate, ut sublato bellicæ uir

tutis æmulo, eodemque fortissimo Duce, ueteres iniurias uindicaret. Sed id Martini Pontificis iussu factum fuisse scriptores fatentur: Ipse que in primis Campanus in hystorijs alioqui Sfortiæ insensus passim, & contra Braccij gloriæ impudentissime semper fauens, cuncta reticendo, aut eleuando uerbis, quæ Sfortiæ consilio, manuque feliciter gessisset.

Reducebat in regnum Martinus Ludouicum Tertium Andegauensem, Sfortiæ ductu, ut Ioannam omnibus impudiciæ flagitijs coopertam, expelleret. Illa uero Alphonsum ab Hispania, adoptatum in filium euocarat: bellumque gerebatur asperrimum, Sfortia tantam belli molcm ægre sustinente: quum Braccius Dux ea ætate clarissimus magnis præmijs, atque stipendijs conductus, Regiæ partibus adhæsisset. Sed æquata demum sunt uires Tartaliæ aduentu, quem superiore anno ab amicitia Braccij diductum, Martinus cum mille & quingentis equitibus ad Sfortiam auxilio miserat. Eo autem anno Tartalia his artibus operam nauauit, ut contra naturam ingenij cunctatior, & segnior factus, Sfortiam uetere gloria spoliari, profligariq; quàm Braccium omnino uinci, male uideretur. Ad Sarnum enim separatim sibi castra fecerat, collegæ præsto nunquam adfuerat, cessarat ab excursionibus, quibus Campani, Neapolitaniq; ab Auerfa, uti Sfortia præceperat, facile posse uexari, premi q; acrius infesta populatione uiderentur. Auxerat & eam suspiciõne Braccius, per eos dies inusitato militiæ more, Sfortianos milites bello captos ad triremes Catalanorum re-

legare, Tartalianos uero benigne remittere solitus. Commea-
bant & frequentes nuntij, præconesq; à Tartalia ad Brac-
cium, adeo, ut iam nemo esset, qui repetitam cum Braccio ami-
citiam, & ob id Tartaliam ex occasione ad hostes transitu-
rum non putaret. His ad Pontificem per scriptis, uenit ab
urbe Roma Colaüs Squarcia Romanus Iureconsultus, ut ex
indicijs in reum iure ageret. Hic Tartaliam inopinato Sfor-
tiæ aduentu oppressum, captumque quæstioni subiecit: &
de confesso, post tertium diem, Auerfano in foro, capitale
supplicium sumpsit.

De natura ingenij.

Cap. LXXII.

X disciplina, totoque uitæ ordine, & succes-
su rerum, manu, quam consilio potior cense-
ri potest: quum incauta facilitate, uel contu-
macia subagresti, in ea consilia plerunque adigeretur, unde
nullus pateret felix exitus propter simulatas multorum uo-
luntates, & necesse esset à fatali uirtute, uel diuina ope, subsi-
dia comparare. Maximas enim iniurias quum æquo animo
sæpius ferret, leuem demum contumeliam tolerare non pote-
rat: ita, ut iracundiam plerunque exerceret imparatus: quum
mori præstare diceret, quam iniuriæ indignitate minime com-
moueri. Versauere itaque hominem, occulto astu, & in ma-
xima uitæ pericula coniecere, Paulus Vrsinus, Alopus de-
mum, & Sergianus. Sed Dii immortales eius uiri uirtute,
ac innocentia adducti, ita nequissimorum hominum insidijs

obuiam iere, ut ultro eas demum iniurias uindicare uiderentur. Nunquam transfugit, nunquam discescit ab officio, nisi magnis de causis: ita, ut nunquam improviso factus hostis arma conuerteret, nisi renuntiata prius amicitia, remisisset que uexillis: ut eo facto, dissensionis causam in alterum reuocaret, & se ad tuendam dignitatem bellum nequaquam insidijs, & dolis, sed uera uirtute gesturum testaretur.

De disciplina domestica, & militari.

Cap. LXXIII.

¶ Vum ad multa conuiuendum esse censeret, nec exactissimus delictorum ultor esse uellet, ita institutum domi erat, ut contemptores diuum, ac hominum limine penitus arcerentur, fures nocturnos, & interdum exposita ioci modo carptim inuolantes, maneret poena; nemo impune specularetur. Abhorrebat uero plurimum ab insanis, & morionibus, qui atrabile laborarent, quod ancipiti ioco risum pariter, & luctum mouere possent: Suo scilicet periculo admonitus, quod ad Collem Senensis agri oppidum insanus quidam, dum ioco militari intemperanter lacefferetur, & ob id irritantem saxo petere uellet, ipsi Sfortia tegumentum capitis summo cum uitae discrimine decussisset. Omni autem uitae tempore in castris aleam perosus, uti Duci pariter, ac militi maxime pestilentem, ita otij tempora transigebat, ut in usum militiae ad palestram cunctos ordines exerceret. Tum enim mos erat multa arte luctari: ingentis ponderis saxum iactare: ferreum

uectem iaculari : teretem palum, in terga conuersis manibus,
cuibrare : saltuq, & cursu plurimum contendere. Qui-
bus in ludis ipse multum lacertosus, & industrius facile ua-
lidissimum quemque superabat. Pluujs, nocturnisq, tem-
poribus, quod nequaquam Latinas literas attigisset, uernacu-
lis conscriptæ uersibus Heroum, & Galliæ Procerum histo-
riæ pariter, & Fabulæ legebantur : unde illi exempla pe-
terent, qui se duce uirtutis famam clarissimis factis extende-
re decreuissent.

De cultu eius, & conuietu.

Cap. LXXIIII.

Rat in cultu, uestituque moderatus potius,
e quàm elegans, uel sumptuosus. Oderat ue-
stis munditias : Sagulorum autem, & armo-
rum nitorem ita exigebat, ut maculam, & eruginem contu-
melia, & nonnunquam uerbere uindicaret. Equiti ex hy-
bernis eruginosa gestanti arma in conspectu hostium seuerè
imperaui, ut ad aperta casside in aciem prodiret : scilicet, ut
cum periculo nosceretur, si parum gnauius dimicasset. Cæ-
terum in pompa, & cum lustrarentur exercitus, sagæ feri-
ca, argento, atque auro bracteata conspiciebantur : Auratæ
item, & egregie perpicte Bardæ, quibus equi Persico mo-
re tegebantur. Is uero eques sibilo notabatur, qui decoras
in casside Cristas nequaquam ostentaasset. Mensarum uero
honos non in delicatis, & exquisitis dapibus, sed hilari sim-
plicitate, & perenni copia, comitaté que, & frequentia con-
uiuorum

uiuorum censetur.

De pietate eius erga Superos.

Cap. LXXV.

d Eum optimum, Diuosq; omnes sincere potius, quàm religiose coluit: utpotè, qui à rationibus bellicis procul esse existimaret, ineptis cæmonijs, & simulatis precationibus Deos fatigare: quum necesse foret bella gerenti cuncta rapinis, cædibus, ac incendijs permiscere: neque uel infanda scelera posse puniri, corrupta iam militari disciplina. Qua in re Ducem belli, Præfectumque à seueritate urbani Prætoris plurimum differre oporteret. Sed palam earum rerum agnoscebat culpam, & ueniam secretò precabatur: quotidiana sacra audire, aut si instante negotio impediretur, postridie ea repetere, & quotannis pio, pœnitentiq; animo expiare sese, maxime que sacramenti hostiam rite suscipere solitus. Id uero demum probi, & uerecundi Ducis esse prædicabat: honestiorem belli causam sequi: inuiolata templa præstare: in captiuis pudicitiam tueri: nunquam abuti sanguine militum, aut hostium cæde latari.

De pietate erga Patriam.

Cap. LXXVI.

a Didit & insigne pietatis exemplum erga patriam Cotignolam: quum fortuito incendio absumptam, priuata liberalitate instaurandam suscepisset, singulos ciues cohortando, ut ædificare lucu-

lentiùs uellent : quando ipse lateres, materiam, calcem, se gratuito collaturum profiteretur. Factumque subinde est, ut celeriter restituti, adornatisq; domibus, & directis regionum uis, priuatim, & publice magnificentissimo Principi gratiæ ingentes agerentur, quòd opportuna liberalitate, & priuatæ commoditati, & elegantiae publicæ consulisset.

De pietate erga propinquos. Cap. LXXVII.

Ietatem quoque cum incredibili charitate erga
p propinquos, & rarissimo quidem exemplo ostendit. Bartholum etenim, & Franciscum fratres, euasante Perusinum agrum lue pestifera, apud Martianum exitiali correptos morbo, adèd constanter inuisit, ut uel deprecantibus amicis ab his diuelli nequuerit: quin desertis, & morientibus uenas tangeret, fomentaq; præberet. Quibus demum celeriter expirantibus, sepulchrum extruxit, addiditq; aram, & sacerdotem, qui certis diebus inter sacra eorum manibus parentaret. Pari quoq; officio, amoréque Bosum Patruelem complexus, ad Spolctum ex ca strensi per hyemem fatigatione neruis conuulsum diligentissime fouit, elatumq; insigni pompa fratrum sepulchro intulit.

De præceptis Francisco filio datis. Cap. LXXVIII.

s Vb hac disciplina educatum Franciscum filium, quum ab se Sfortia in Brutios ad dotaless urbes profecturum dimitteret, ei attribuit exi

miæ uirtutis Duces, & milites, qui bello, pacē que ætatem eius regerent: Diu iuuenem cohortatus, ut pietatem, & iustitiam coleret, nobiliꝝ animi decreto existimaret, uirtute potius, quàm malis artibus ad opes, & gloriam contendendum.

Illud etiam grauisimis præceptis adiecit, ut etiam atque etiam caueret, ne amici, aut imperio subiecti uxorem unquam impudicis oculis intueretur. Neminem uulnere, aut duro uerbere puniret: aut si id casu, aut ira præcipiti accidisset, ex templo lenitum, donatumque digno munere longius ablegaret.

Postremò nunquam indomiti oris equum ascenderet: nunquam eo uteretur, qui ab ungula molliore facile soleam excutere consueffet: quòd se ab equo alioqui longè optimo, sed in frenum contumaci, cui Draconi ob id nomen erat, quum suborto ex insidijs Bracciano hoste, irrita habenarum contentione abreptum se, & in Auersæ fossam præcipitatum memoraret: In Vmbrijs autem tumultuaria in pugna, quum ex equo, cui à colore auis, Picæ nomen erat, depugnaret, eo inter colluctationes omnibus solcis discalciato, uix ipse pedibus relicto è manibus hostium effugisset. Quibus præceptis maxime usus Franciscus, quòd nemini ferè contigerat, omnibus consilijs felix, & prælijs uictor euasit, ut spem de præclara indole, patris iudicio conceptam, fataque, & uota hominum impleret.

De prudentia ex alienis iudicijs quæ sita.

Cap. LXXIX.

L ii

317
Vn uero prudentiæ, iudicij qz militaris te-
norem usque ad uitæ exitum constantissime
tenuit, ut non temere quicquam in rei bellicæ
negotio decerneret, nisi accito, uel infimo quoque centurione,
Et milite ueterano, ut exquisitis separatim omnium senten-
tijs, quod patrandum foret, multorum iudicio probaretur.
Sed id tanta dissimulatione expetebat, ut semper alienis ex-
ordijs, Et fabulis animi propositum celaret, atque apte de-
mum ad id, quod uellet, instituto nouo sermone descrebatur.
Quoniam eo pacto nunquam prolato interiore animi decre-
to auctoritatem suam egregie retineret: nec ob id persuasio-
ne prudentiæ animi minorum Ducum inflarentur. Quan-
do ij alia semper de causa uocatos, Et fortuito demum ser-
mone in grauiorem consultationem incidisse humanitate Du-
cis facile existimarent. Verum illos confecto negotio iu-
cunde potius, quàm grauius in corona laudabat, qui feliciter
in disputatione diuinassent: Et id quidem iucundiore
gratia, quod liberaliter, Et nullo fastu gloriam communicare
uideretur.

De candore in genij, Et memoria eius.

Cap. LXXX.

i
Ngenio enim natura fuit candido, adaper-
toque potius, quàm latebroso, Et callido.
Vnde quum dolis, occultisqz aulæ artibus pa-
rum ualeret, facile in insidias præceps daretur: sed statim
inde allenuatus fatali quadam uirtute resurgeret. Stata au-

tem ætate, propter occultas hominum uoluntates, atque orã fi-
 titia, itemque ad eludendos speculatores cohibere linguam,
 iram frenare, ac opportune, apte que uaria persona uti didi-
 cerat: Ita tamen, ut siquid simulatius faceret, aut diceret, à
 familiaribus, atque domesticis facile nosceretur. Natura se
 quidem eos oderat, qui animo ancipiti essent, multosque reces-
 sus, & uarios anfractus haberent, dissentiente præsertim
 fronte, in qua præclare apud generosos, ac probos, & fi-
 des, & pudor habitarent. In eo etiam supra, quàm credi par
 est, admirabilis rerum, ac nominum memoria uiguit, tanta se-
 licitate, ut quum nullis commentarijs inniteretur, non modo
 militum suorum, uerum & equorum nomina à multis annis
 repeteret. Nec in persoluen-do stipendio ulla in re unquam
 falleretur.

De studio literarum Hetruscarum.

Cap. LXXXI.

Iteras Latinas nequaquam attigerat, sed ad-
 mirabatur, secutus Hetruscas, atque uernacu-
 las, quæ ex usu militari commodiores uide-
 rentur. His necessitate quadam totum id otium, quod ex ne-
 gotio superesset, uehementer addixerat, ut historias calleret,
 quas è Græcis, Latinisque scriptoribus traductas lætitare
 erat solitus, inuitatis liberalitate ad id munus suscipiendum
 literatis: in queis fuit Porcellij Poetæ pater, ob tralatos Cæ-
 sarem, & Salustium, honesta domo cum hortis donatus.
 Quòd autem literas nesciret, perurbane sese excusabat: quan-

doquidem una, atque eadem manu librum simul, & gladium tenere minime didicisset. Neque etiam sua manu epistolas, nisi tumultuarijs, ridendisq; literis unquam perscripsit: adco, ut ipso dictante ab amanuensibus exaratas, quodam symbolo potius, quam descripto nomine subnotaret, & mitteret. Vsus est in literario, scriptorioque munere Theologis cucullatis. Quo genere hominum ad longè, latèque speculandum, nihil aptius, atque securius asserebat: quandoquidem prætextu religionis omnibus rerum diuinarum, ac humanarum negotijs libera ubique, & semper impunita simulatione miscerentur.

De generositate animi erga inimicos.

Cap. LXXXII.

Adislao Rege magnis uiribus Tudertum oppugnante, quum Braccius repentina, & graui eruptione Paulum Vrsinum ucterem inimicum suum adortus, ita copias eius cecidisset, ut statione, & totis denique castris ipso Duce pulso, & fugiente pellerentur, non dubitauit Sfortia, quin circumuento, & penè capto opem ferre maturaret: quum sibi in sua castrorum parte designatum locum tueri, ac inimici cladem otiose spectare, optimo militiæ iure licuisset. Descendit enim ab accliu loco instructis turmis, atque cohortibus, tardauitq; impetum insequentis, atque uictoris hostis: adco, ut longo, ac acerrimo certamine ædito, Bracciani intra portam compulsi, non mediocri accepta clade, terga dare cogerentur, uociferante, atque

irridente Braccio: quòd Sfortia communem inimicum, quem interficere deberet, clementiæ, et stultæ lenitatis nomine conseruasset. At Paulo inter mctum, et pudorem Sfortiæ gratias agenti, ille alta uoce, ut omnes exaudirent, respondit: Non est, Paule, quòd parem referre gratiam cogites, quoniam hodie cum signis, et copijs meo insigni beneficio sis conseruatus: Quando id, quod strenue, et peropportune factum uidetur, id totum Regiæ, et publicæ omnium dignitati sit datum: ne scilicet in oculis Regis, ac meis inexpressibile dedecus admitteretur. Tu uero nibilo scius insectari, et persequi, uenenatis etiam telis me ipsum perges: Ego certe immeritis acceptas abs te iniurias probe, et strenue ulciscar: quum te mihi fortuna, quæ nunc socium facit, aliquando hostem obtulerit. Id factum, dictumque Ladislaus magnopere commendauit, Sfortiæq; dono dedit equum phaleratum, atque item laciniam ex purpura, auroque insignem, argenteis squamosam bracteis, qua ille uti in prælijs soleret, ut palam in Sfortia raræ uirtutis simul, et clementiæ decus testaretur.

De fortitudine eius in dolore tolerando.

Cap. LXXXIII.

Iram quoque animi fortitudinem, et patientiam in tolerando omni dolore in aduersis semper ostendit. Neque enim frangit, aut demitti animo, ullo'ue lachrymarum uestigio fœdari, uirile putabat: ut tum accidit, quum uno simul tempore multarum concursu calamitatum penè obrutus, nulla omnino uel sub-

tristis, uel perturbati animi signa prætulisset. Ipso enim in ædito colle supra Campanam portam Romano opere ual-
latis castris Neapolim circumsidente, atque oppugnante, prius
quàm Ludouicus Tertius classe in eam oram adueheretur,
Franciscus filius grauiore ueruto maioris Scorpionis per
duplicem ferreum thoracem penetrante letaliter uulnera-
tus, ac item Foschinus ex sorore nepos simili telo ictus pe-
nè desperata ope iacebant. Ipse quoq; Leonatus gener, tan-
tæ indolis Dux ex prouocatione ad ostentandam equestris
disciplinæ peritiam, uirtutemque cum Carassello Carassa
nobilissimo equite nulla intercedente simultate congressus, re-
cepta per casidem hastæ cuspidē, lugente toto exercitu cecidi-
derat. Quem mærorem mirum in modum adauxit, fune-
stus ex Brutij's nuntius, qui Polyxenam nurum, ac item eius
filiolam ex Francisco neptem ueneficijs amitæ acerbissima
morte sublatas attulerat. Suborta & tum Sergiani arte,
dolôque exitialis fama totis disseminata castris insolitum pa-
uorem, & magnam consternationem inuexerat. Fereba-
tur enim Ludouicus intermisso ad Masiliam nauali appara-
tu aduentum suum, atque eius conflati belli maritimam expe-
ditionem ad prima ueris signa distulisse: ita, ut milites iam
planè desperatis auxilijs, & aduentante Alphonso, quam
belli arte incepto obsistere, seq; incolumi exercitu in pacata
loca recipere possent, insigni concepta formidine cogitarent.
Sed his tantis priuati luctus, & publici mæroris incommo-
dis conflictatus, ea magnitudine animi, ac patientia com-
pressit -

presit dolorem, ut neque in tabernaculum se abderet, neque ullo, uel tacito gemitu, uel exili suspirio æquabile illud frontis decus immutaret. Eo enim oculorum vigore, eoque eloquentiæ spiritu militum animos erigere, sustentare que existimationem erat solitus, ut tum maxime, quum à fortuna uictus esset, eum proculdubio uicisse crederes.

De urbanitate eius. Cap. LXXXIIII.

Non caruit urbanitate in dictis: Plerumque
 " falsus, & apte, sciteque remordens, si quis
 prouocando lacefferet. Vt tum accidit, quum
 à Sergiano magno Senescalcho, ad exprobandam generis
 nouitatem, ligonis fabula obieceretur: In hoc, inquit Sfortia,
 nati uideo, stirpis origine pares sumus, quum Adamus morta-
 lium primus, terram & ipse foderit. Sed ego certe, quòd
 iure diffiteri non potes, illo meo ligone, multo nobilior euasi,
 quàm tu tuo pene, & penna. Quo scommate lepide ad-
 modum hominem transfixit: quum in eo tanta cum inuidia di-
 gnitatem stupro quæsitam, & patrem eius ad Prætoris tri-
 bunal, ignobilem scribam, adulteratòque testamento, falsi da-
 mnatum, scitis sime notasset.

De facete dicto. Cap. LXXXV.

9 Vum transfuga Nolanus eques ingenio infami,
 ut sibi gratiam cum Sfortia compararet,
 Tartalianam omnibus maledictis in conuiuio

M

Sfortiæ famam laceraſſe detuliſſet: deſque ea re, ut fides ſibi haberetur iureiurando ſæpius affirmaret: Non opus eſt, inquit, ſodes, ut multum in perſuadendo mecum labores: quum Tartalia nunquam uerbum de quoquam ſit elocutus, quin maledixerit: Et tum multò quidem atrocius, atque liberius, quum locum ad id maxime opportunum naſtus, ut diſciſ totum maledicentiæ impetum effuſiſſe credendum ſit: Peracute delatorem auertens ſimul, Et ſua uitia Tartaliæ obieſtans, titubantiæ ſcilicet oris, unde cognomen acceperat, Et temulentiam, quum eſſet omnium, Et quidem natura potius, quàm ætate bibaciſſimus.

De ſaliſſimo diſſeritio. Cap. LXXXVI.

q Vum inſidijs, armisq; Pauli Vrſini exterritus, exceſſiſſet urbe Roma, Et in Algidò caſtra poſuiſſet, ad eum à Pontifice Cardinalis Sancti Angeli legatus uenit, ut fidem interponeret, confirmaretq; hominem, in urbemque reduceret. Inter multos autem ſermones, Cardinalis quum dixiſſet: An Sfortia Vrſum timebis? quum ſis ſub columna tutiſſimus? Extemplò reſpondit: An non tibi Pater, omnino inſanus uidebor, ſi dum fruſtra à ſurdo marmore opem imploro, bellua ingens, dente, ac unguibus ferox, ac humano ſæpe grefſu incedens, mihi minime ſit formidanda? Non ille pide remota, Et parum expedita Columniarum auxilia deſignans, Et Pauli Vrſini ingenium, præſentesq; uires aptiſſime depingens.

s Tatura fuit corporis erecta, excelsa que su-
 pra mediocrem, macro habitu potius, quam
 succoso, prævalidis artubus, à firmissimo
 quodam nervorum nexu: sed cruribus ad suram maxime
 torosis, & parum teretibus: Manu autem ampla, & præ
 longa, digitorumque compage admodum firma, ut distractam in di-
 versum utraque manu soleam ferream facile disrumperet,
 & prælongam equestrem hastam à calce sublatam attolle-
 ret. Inerat autem lato pectori, patulisque humeris militare
 decus: Admodumque restricto, & decenter castigato fuit ven-
 tre, ut angustissime cingeretur: quandoquidem in medio ad
 zonam duobus primis ab utraque manu expansis, lunatisque
 digitis facile comprehendi, atque præcingi posset. Erat fa-
 cie subagresti, parumque hilari, uti à plumbeo quodam pallo-
 re subfusca: quum & oculi colore cæsi minaci specie intra
 cauos orbes multum recederent, & supercilia maxime pilo-
 sa prominere viderentur. Sed nasus à medio elatus, nec
 aduncus tamen: labra decentia, & candidissimi dentes illud
 os probum effingebant. Tonso autem capillo, & dera-
 sa barba semper incescit: quod ita conclusa casside utentibus
 expediret. Coccineo capitis tegumento semper insignis,
 quod duobus gradibus in præaltam, striatamque pyramidem
 exurgebat. Tanta autem specie ad exprimendum militare
 decus in hoc homine, dissimilium rerum partes ratione, atque
 ordine respondebant, ut à rudibus, rusticanisque, qui cum nun-

quam uidissent, pari inter multos cultu, & sæpe sine comi-
tatu. uti omnium princeps, ac imperator nosceretur.

De agilitate membrorum eius. Cap. LXXXVIII.

A erat agilitate, ut nullo adiutante, ac impe-
e lente, quum sinistram pedem hemicyclo fer-
reo, quem stapedem uocant, induisset, uel o-
mnibus contactus armis, & galeatus in ephippij sellam ele-
ganter insiliret, progredireturq; sæpe ad multa passuum mil-
lia cataphractus, duratis scilicet membris ad omnes uel ini-
qui laboris exercitationes, frigusq; præsertim. Neque enim
in tota uita peregrinis pellibus est usus, quibus aduersus al-
goris iniuriam uestes fulcirentur. Torquebatur autem faci-
le siti, quum in magnis æstatis feruoribus equitare, pugna-
reque oporteret: Adcò, ut se armatum, siti potius, quam fer-
ro confici posse diceret: atque id mortis genus maxime ue-
reretur. Qua de causa armigerum puerum instituerat, qui
lagenas aquæ, uiniq; & alia ex saccaro, sitis subsidia, uali-
do equo præferret, nec à se unquam uel in extremis pugnae
periculis diuelleretur. Caterum adeò robusta, ac indomita
corporis temperatura semper fuit, ut facile morborum initia
exercitatione discuteret: & si quæ febres incidissent, eas
incredibili patientia ad ciendum sudorem lodice coopertus,
& inedia præsertim, repudiatis pharmacis, felicissime su-
peraret.

De infelicitate mortis eius. Cap. LXXXIX.

Nno demum ætatis quinquagesimo quinto,
 a quum iam in eo uirtutes omnes, quæ sum-
 mum Ducem decerent, penè perfectam ma-
 turitatem cepisse uiderentur, fortuna insolens, & uictoria-
 rum, & uitæ cursum pariter abruptit. Braccio enim fata-
 li pertinacia Aquilam urbem obsidente, & Alphonso de-
 mum Rege, qui opem afflictis rebus suis ab eo frustra po-
 stularat in Hispaniam reuerso, Sfortia maximorum in Italia
 Principum Imperator effectus, ex Apulia mouit, ut Marti-
 ni Pontificis, Reginae q̃, & Philippi Vicecomitis auspicijs,
 Aquilam obsidione liberaret, atque inde demum spe gerenda-
 rum ingentium rerum in Hetruriam proficisceretur. Erant
 in eius exercitu septem millia equitum, & ualida peditum
 manus. Itaque Anxano urbe, & Buccianico, Millionicoq̃
 deiectis Braccij præsidijs, Orthonam peruenit. Ibi duo-
 decim diebus ad quietem militi concessis, quum insigni religio-
 ne Natale DEI CHRISTI celebraffet, ad Ater-
 num amnem est profectus: Is hodie à Piscaria oppido no-
 men habet. Peruenerat in Marucinos Braccius, dimidia
 parte exercitus ad obsidendam Aquilam relicta, ut Sfortiam
 transitu prohiberet. Defixis enim in ripa frequentibus, &
 præacutis arborum ramis, hisq̃ deligato magnis funibus na-
 uigio, impositaque sagittariorum manu, certioris uadi locum
 tuebatur. Præsidio quoque duarum cohortium, & quadrin-
 gentorum equitum, lapidei pontis propugnacula ad oppidum
 Piscariam firmata erant. In ea transitus difficultate, Sfor-

214
tia in dextram ad ostij fauces, quibus in mare uadosum amnis effunditur, signa defleēti iubet. Ibi uado pertentato, Michaelus, Sanctoparens, & Franciscus Sfortia filius, armati, galeatiq; cum sexcentis equitibus amnem tranarunt, subsequente mox Sfortia. Franciscus cum Braccianis, qui è Piscaria ad prohibendos ripa hostes aduolarant, prospere conflictit, ita, ut multis cæsis, captisq; reliquos intra oppidi portam compelleret. Eo spectaculo nihil Sfortia animo, atque oculis iucundius fuit. Ex admiratione etenim uirtutis in filio incredibilem ceperat uoluptatem, quod summam spem ex matura indole antea conceptam, feliciter adimplere uideretur. Interea perflante Coro, allidentisq; maris aduersis fluctibus, intumescere flumen cœpit: adeo, ut cunctantium, dubitantiumque equitum turmæ in aduersa ripa uiscerentur, neq; ulla significatione adduci poterant, ut præaltum amnem intrarent. Tum uero Sfortia, urgente fato, in amnem rursus equum adegit, ut exemplo timentes inuitarct. Ibi dum armigero puero periclitanti, protensa dextra, opem ferret, cænoso subsidente uado, eius equus, quanquam insignis, posterioribus cruribus defecit: atque ita grauantibus armis est submersus. Bis sustulisse, fertur, armatam dextram, neque tamen quisquam opem tulit, quum hora fatalis aduenisset.

De Braccii indicio, & laude erga defunctum, & cæde ipsius. Cap. XC.

f Erunt, Braccium, qui è Theate ad primum transcuntis hostis nuntium, maturata profe-

etione, præmissisq; impedimentis, iter suscepit, ut magnis itineribus antecedens Aquilam contenderet, alio atq; alio renuntiante Sfortiæ interitum, nulla omnino conceptæ lætitiæ signa prætulisse; sed contracta fronte, defixisq; oculis, fortissimi uiri casum humaniter indoluisse: adeo, ut defunctum, postquam inuidia decesserat, tum primum exquisitis, uerissimisq; laudibus prosequeretur. Neque enim uel tanto præsentis belli periculo liberatus, alacriorem uultum militibus ostendit, utpotè qui fatalis arcani conscius ab Astrologis didicerat, Sfortiam uiolenta correptum morte, antecessurum quidem, sed paulò post, & ipsum, pari ueluti sorte, eandem exitus fortunam subiturum. Erat Braccius Sfortia natus maior octo mensibus tantum, & nouem diebus: ita, ut tum Mathematicorum disciplinæ, ex utriusque insignis uiri casu, magna fides astrueretur. Vix enim quintum superuixit mensem, quum ad Aquilam per tredecim menses frustra oppugnatam, abessamque, memorabili tandem prælio, Sfortiani militis gladio superatus, ac interfectus, & syderum, & multorum uatum fidem impleuisset.

De prodigijs, quæ mortem eius significarunt. Cap. XCI.

P Ridiè quàm ab Orthona discederet, quum, sacris de more confectis, ab omnibus ordinibus salutarctur, in corona præfectorum omnium somnium enarrauit, quod ei sub auroram alte quiescenti contingerat. Somniasse enim se profunda aquarum mole oppress

III V I X
sum in extremo uitæ periculo uersari, prospexisse que uirum
gigantea specie, Diuo Christophoro persimilem, à quo uel
magna, ac iterata uoce frustra opem implorasset. Quo in-
fausto omine, ad eò exterriti sunt Franciscus filius, Michale-
tus, Sanctoparens, Acatabriga, Mannus que Bariles, qui
postea eius rei fidem, & late famam fecerunt, ut deprecan-
tes institutum iter, enixè que orantes tridui quietem impetra-
re nequuerint: quum ille propositi sui tenax, spem omnem
præuertendi hostis, parandæq; uictoriæ in una celeritate po-
sitam docuisset. Signiferorum quoque Princeps, qui quadra-
tum uexillum supremi militaris imperij deferbat, egressus
Orthonæ porta, concidente equo, ad eò uehementer uexillum
solo afflixit, ut fœdatis cæno insignibus hasta frangeretur.

Sed nec id eum in fata strenue uadentem retardauit.
Quandoquidem ad uitæ exitum semper improuidi mortu-
les, tum maxime ostenta contemnant, quum fata urgent, di-
ramque illam, ac omni prouidentia maiorem necessitatem in-
cantis pariter, ac reluctantibus imponunt.

FINIS.

EX HOC INDICE

Profitetur Author, per quos profecerit.

EX

Blondi decadibus.

Pogio, qui Florentini populi res gestas Hetrusco sermone conscripsit.

Historijs Pij Secundi Pontificis.

Iacobo Bracellio, qui Alphonsi Regis bellum Latine conscripsit.

Pontano.

Leodrisio Cribello, qui Sfortia, & Francisci filij historiam Latine scripsit.

Donato Bosio.

Pandulpho Collenuccio, qui Neapolitanorum Regnum historiam Hetrusce scripsit.

Leonardo Aricino, qui varias Latine historias scripsit.

Campano Episcopo Aprutino, qui de rebus gestis Braccij Latine scripsit.

Augustino Iustiniano Nebiensi Episcopo, qui Genuensium historias scripsit.

Baptista Campofregosio, qui exempla Latine scripsit.

M. Antonio Sabellico.

Annotationibus Benedicti Nursini Medici.

Georgio Merula, qui Vicecomitum historiam, & Sfortianorum initia conscripsit.

Renato Serauallino Pisano, qui patriam historiam Hetrus-

N

ſce ſcripſit.

Ioanne Simonetta, qui Franciſci Sfortiæ hiſtoriam Latine ſcripſit.

Bernardo Corio, qui ingentem hiſtoriarum Codicem uernacule ſcripſit.

Palmerio, qui Annales ſcripſit.

Eremitano Bergomate, qui Cronicharũ Supplementũ addidit.

Candido Viglebanenſe, qui ad Philippi Vicecomitis uitam commentarios addidit.

Antonij Panormitæ Rapsodijs.

Diurnalibus Mimati Tabellionis.

Collecſtaneis Beſſucij Tritij.

Annalibus multarum ciuitatum.

Archiujs Romanis, Martini præſertim temporibus.

Fide Veteranorum militum Sfortianæ domus.

Fama tradita per manus, apud Neapolitanos præſertim ciues.

Platina de uitis Pontificum.

ERRATA.

peruenerat	peruenerant	pag. iiii
Biordo	Biordus	iiii
inquit Imperator	inquit, Imperator	iiii
lætalius	letalius	vii
Suffoso	Suffosso	ix
nequaquam	nequam	x
Sirgiani	Sergiani	x
Quamquam	Quanquam	xii
armaturæ	armatura	xiii
Sebeti	Sebethi	xv
Sebetum	Sebethum	xv
exiuit	exciuit	xv
castra	castra	xvi
Picininus à Braccio	Picininus à Braccio	xvi
incepto	incepto	xvii
statuerunt	statuerunt	xxi
Neapolini	Neapolim	xiii
comeandi	commcandi	ibid.
Sactoparens	Sanctoparens	ibid.
reiceret	reiceret	xxiii
ulciscende	ulciscendæ	xxiii
uoluptuariis	uoluptariis	xxvi
cupiente	cupiente	xvi

N ii


æmulatione	æmulatione	pag. xviij
Celam	Celani	xxxiii
Mediolansis	Mediolanensis	xxxv
asiduis	asiduus	xxxv
filisq	filysq	xxxv
conturbenia	contubernia	xxxvii
circuntunsa	circuntunsa	xx xvii
puum	quum	xxxviii
male	malle	xxxix
palestram	palæstram	xl
abseffam	obseffam	xlvi


ANTONIUS BLADVS EXCVDEBAT


ROMAE. M. D. XXXIX.


MENSE NOVEMBERI











005644306

KONSERVIERT DURCH
ÖSTERREICHISCHE FLORENZHILFE
WIEN 1967